


DIPEELETŠO

 Ke le leboga kudu. Ke rata go nyaka go hlagiša maikutlo a ka, boka Ngwanešu Palmer a rile, “Ke nna motheeletši yo mokaone.” Ka kgonthe ke ipshinne ka se, mosong wo, nkabe ke se ka foša se bakeng sa lefeela go kwa banešu ba ba go fapana, le bao ba fago mabopaki a.

² Ngwanešu yo a sa tšwago go opela o be a etla kerekeng ya rena godimo kua, gomme ya gagwe. . . Ke tsebile mmagwe le dikgaetšedi, mo, lebaka, oo, lebaka la mengwaga ye mentši. Ga se ka tsoge ka fihla tabarenekeleng ka nako go mo kwa a opela, gomme ke be ke no ya go e šišinya, gomme ka gona go tla mmogo, gomme o rile o be a eya go e opela. Ngwanešu, mo, o rile o—o be a eya go e opela le yena, kafao ke rile, “O ka kgona go hwetša ya gago bošegong bjo.” Kafao, re tla thaba go kwa seo.

³ Ka mehla ke . . . monyetla wo mobotse kudu go ba tikologong, moo, Bogona bja Morena. Gomme ge go na le, bjalo ka ge ngwanešu a boletše, gore go na le nama ye ntši ka go dikerekemaina tša rena tša go fapana e re bitša go tloga go rena seng, gomme, eupša go na le Mmele, Mmele wa sephiri wa Kriste, Woo ke Mmele wo bohle re tloga ka go wona ka Moya o tee, re kolobeditšwe ka go Mmele o tee wola, gomme ka gona re ba badudi ba Mmušo wa Legodimo.

⁴ Bjale, ke a dumela gore re swanetše go tšwa fa ka lesomepedi-. . . [Yo mongwe o bolela le Ngwanešu Branham—Mor.] (Eng?) [“Re ka tloga ka morago ga iri ya lesomepedi.”] Oo, a yeo ke nako yohle ke nago, feela diiri tše pedi? Ke mohuta wa go nyama. Le a tseba, go ntšea nako ye telele go bolela se ke, naganago, eupša, gomme ke leboga batheeletši ba ba nkgotlelelago, eupša ke be ke no bolela seo. Bjale, feela mantšu a se makae go borakgwebo le bohle ba ba lego mo.

⁵ Gomme ke nyaka gore e bile nako ye botse; mantšiboa a go feta pelo ya ka e be e le ye borutho, ebile le ge ke fihla gae, bjalo ka ge ba boletše, John Wesley o rile, ka “mo seh Beng sa gagwe,” go bona gore Modimo wa rena o sa phela. Gomme ga ra swanela go thanka ka se, Yena ke—Yena ke kgonthe, ke bonolo bja go no amogela se A se boletšego le go se bona se dirwa kgonthe, le a bona, Lentšu ke Peu, gomme ge Peu yela e beilwe ka mobung wa maleba ka tlase ga phišo ya maleba, E tla mela ge E nontšhitšwe, gomme re a tseba Lentšu le le a nontšhwa, ka gore Ke Modimo ka Boyena, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo,” E sa le Modimo, “Le dirilwe nama le go dula magareng ga rena.”

⁶ Re leboga kudu go kwa Mamethodist, Mabaptist, Presbyterian, Orthodox ya Segerika, le bohle mmogo, ba

etla mmogo ka go lefelo le tee le legolo. Gomme ke a dumela Jakobo o epile sediba, gomme lenaba la mo raka, gomme o se biditše “Bohlwele,” gomme o epile sediba se sengwe, gomme ba mo rakile, le go e bitša “Phapano,” o epile sediba se sengwe, gomme o rile, “Go sekgoba sa rena bohle.” Kafao, ke nagana e ka ba tsela ye go lego, Luther o epile se tee, gomme Wesley o epile, bjale re ne se tee, go ne sekgoba bakeng sa rena bohle. Kafao, a nke bohle re no ema le go nwa go tšwa go sediba se tee se. Ge o nametše kamela ya lehutla le tee, goba kamela ya lehutla a mabedi, goba kamela ya lehutla a mararo, o ka no kgona go tla le go nwa, ke phetho, re leetong la rena.

⁷ Ke a nagana bjale, ka morago ga dikwi tša rena tše nnyane tša tshegišo le go ya pele, bjalo ka ge ke nagana e lokile, ebile le Modimo Yenamong o ne tshegišo, le a tseba, ke nagana re swanetše go no inamiša dihlogo tša rena nakwana, pele ga go batamela Lentšu le, bakeng sa thapelo.

⁸ Tate wa rena, Modimo yo mogolo le yo maatla, Yo, moopedi wa rena a sa tšwago go hlagiša maikutlo a rena ohle, “O yo mogolo gakaakang,” re batamela Wena Leineng la Ngwana morategi wa Gago, Morena Jesu, Sehlabelo sa rena, gomme ge re etla go tšwa moagong wo go ya ka Bogoneng bja Gago ka tumelo, re lebelela go kgabaganya Sehlabelo sa rena go ya Teroneng ya Gago, go tsebeng gore O re tshepišitše ge re kgopela e ka ba eng Leineng la Gagwe se tla fiwa. Re ya go leka go bala Lentšu la Gago le go bolela ka Lona. Bjale, a nke Moya wo Mokgethwa o tšee Lentšu gomme o Le bjale ka dipelong tša yo mongwe le yo mongwe wa rena, bolotša dipounama tšeo di bolelago le ditsebe tšeo di kwago, gomme a nke Le wele godimo ga mobu wo mobotse go tliša pele makgolo a go menagana. Re a kgopela, Leineng la Jesu. Amene.

⁹ Ge . . . Batho ba bantši ba rata go tšea mafelo ka Lengwalong, ka mehla, moo badiredi ba balago, ke tla rata go gogela šedi ya lena go Ebangedi ya Mokgethwa Mareka tema ya 10, go thoma ka temana ya 17, bakeng sa go bala go goga kgwekgwe go tšwa go ye:

Gomme ge a ile pele ka tseleng, gwa tla go yena a kitima, gomme a khunama fase go yena, le go mmotšiša, Mong yo Botse, eng . . . gore nka —gore nka ba le bophelo bjo bosafelego?

Gomme Jesu o rile go yena, Gobaneng o mpitša yo botse? ga go yo botse eupša yo motee, ke gore, Modimo.

Wena o tseba melao, O se ke wa dira bootswa, O se ke wa bolaya, O se ke wa utswa, O se ke wa bea bohlatse bja maaka, O se ke wa radia, Tlhompho le . . . Hlompha tatago le mmago.

Gomme a araba gomme a re go yena, Mong, dilo tšohle tše ke di lotile go tloga bosweng bja ka.

Ka gona Jesu ge a mo lebelela a mo rata, gomme a re go yena, o hlaelelwa ke Setee: eya ka tsela ya gago, rekiša eng kapa eng o nago naso, gomme o fe bahloki, gomme o tla ba le lehumo legodimong: gomme o tle, tšea sefapano sa gago, gomme o ntatele.

Gomme o ile a nyama ka polelo yeo, gomme a tloga a nyamile: ka gore o be a na le dithoto tše kgolo.

¹⁰ Ke tla rata go goga se—se sehlogo go tšwa go se go thuto ya *Dipeeletšo*. Gomme ke naganne se se ka no ba maleba lebaka la metsotso e se mekae, go bolela le borakgwebo ba toropokgolo ka dipeeletšo, ka baka la gore rakgwebo yo mongwe le yo mongwe ka mehla o, ge e le rakgwebo yo mokaone, o na le kgahlego ka dipeeletšo tše botse. Seo se bonala go ba se ba ratago go se dira, ke go dira pe—pe peeletšo ye botse, dipeeletšo tša go kwagala, gobane e a lefa, ka mehla.

¹¹ Gomme mosong wo ke nyaka go bolela le lena banna, ge eba, ge go na le ba bangwe mo, go . . . go peeletšo ye kaonekaone ke tsebago ka yona. Nako ye nngwe ya go feta ke botšišitšwe potšišo ke modiredi wa go tsebega wa kereke ya Baptist, go tšwa go ye ke tšwago go yona, o rile, “Ngwanešu Branham, ke a kwa gore o na le Banna ba Kgwebo ba Full Gospel.”

Ke rile, “Ee, mohlomphegi, yeo ke nnete.”

O rile, “Ke taba efe o nago le yona le Banna ba Kgwebo ba Full Gospel?”

Ke rile, “Ke—ke nna rakgwebo.”

O rile, “Rakgwebo?”

Ke rile, “Ee, mohlomphegi.”

O rile, “Ke kgwebo efe o lego ka go yona?”

Ke rile, “Inšorense.”

Gomme o rile, “Eng?”

Gomme ke rile, “Netefatšo.”

O rile, “Mohuta ofe?”

Ke rile, “Bophelo bjo Bosafelego.”

Ge e ka ba mang, lena baisa le nyaka go bolela pholisi le nna, morago ga kopano, ke tla thaba go kopana le wena, le—le go e boledišana.

¹² Nako ye nngwe ya go feta, mogwera yo ke ilego sekolong le yena, ke morekiši wa inšorense, gomme ke monna yo mokaone, ke na le ngwanešu yo e lego moemedi wa inšorense, eupša go no direga gore ga se ka tsoge ka rwala inšorense, gomme kafao nna, ga go selo kgahlanong le yona, eupša ke . . . mošemane o tlile godimo nako ye nngwe, leina la gagwe ke Snyder, ngwanabo ke modiredi wa Baptist, Wilmer o rile go nna, o rile, “Billy, ke tla rata go bolela godimo ga inšorense tsoko le wena.”

Gomme ke rile, “Wilmer, ke a go leboga,” ke rile, “ke—ke tla bolela ka e ka ba eng gape, eupša,” ke rile, “ke šetše ke na le inšorense.”

Gomme o rile, “Oo, ke maswabi.” O rile, “O ne eng?”

Ke rile, “Ke ne netefatšo.”

Gomme o . . . Gomme mosadimogatša wa ka o ntebeletše mo o ka rego ke be ke le moaketši, o eme, gomme o lebeletše go kgabaganya go nna, gobane ga ke ne inšorense ye itšego.

Gomme o rile, “Billy, ke inšorense efe o e rwalago?”

Ke rile, “Ke rile, ‘Netefatšo.’”

Netefatšo ye e šegofetšego, Jesu ke wa ka!

Oo, a tatsopele ya letago le Lekgethwa!

Ke mojabohwa wa phološo, morekwa ke Modimo,

Motswalwa ke Moya wa Gagwe, mohlatswiwa ka Mading a Gagwe.

O rile, “Yeo e lokile kudu, Billy, eupša e ka se go bee godimo fa ka serapeng sa mabitla.”

¹³ Ke rile, “E tla ntšhetša ntle, ga ke tshwenyege ka go tsena ka gare, ke nyaka go tšwa.” Kafao, ga ke tshwenyege ka go tsena ka fale, ke go tšweleng ntle. Kafao, seo ke se ke nyakago go bolela ka sona.

¹⁴ Moisa yo a nago le tšhelete o nyaka go e bea go peeletšo ye botse, ka nnete. Monna yo, a nago le bontši bjo, a re re, ditolara tše dikete tše lesome, o tla rata go e bea go peeletšo ye nngwe. O se ke wa e boloka ka potleng ya gago, ka gore o a tseba mahodu a tla e utswa, gomme ka fao, ga o nyake go dira seo. Kafao, o nyaka, ge o le yo mokaone, rakgwebo wa go kwagala, o nyaka go e bea go se sengwe seo se tla . . . se tla gogago mašokotšo, o nyaka go e bea go se sengwe go kadimišo, le tseba ka ditalente ka Beibeleng, kafao o swanetše go e bea go mošomo tsoko wo o tla gogago mašokotšo go tšwa go yona, kgwebo tsoko ye botse ya go kwagala.

¹⁵ Gomme ka gona, go direng se, ga o nyake go e bea ka go se sengwe seo se sa kwagalego, ga go motho a ka nyakago go dira seo. Yo mobotse, rakgwebo wa setswatswa a ka se nagane ka selo se sebjalo, lena banna le ka se dire seo, e bee ka go se sengwe seo, ye tee ya tše mo, go huma ka bošego gomme ga a tsebe mo e tšwago, bokaone o hlokomele seo, o tla loba tšohle o nago natšo, gobane ke go kempola. Gomme go kempola ga go botse, kgwebo ya go kwagala, ke . . . e na le sebaka go yona, gomme, ga o nyake go tšea yona mehuta ya go leka mahlatse, eupša o nyaka go e bea ka go se sengwe, ka go ye nngwe ye botse, feme ya go kwagala ye e lefago mašokotšo a magolo, se sengwe seo se tiilego, sa go botega, se sengwe seo o tsebago gore se lefile, gomme se netefadišwe gore se tla lefa. Ge o na le se sengwe go swana le seo go be- . . .

dira peeletšo ya gago, gobaneng, gona o ikwela o netefaleditšwe gore o—o ne se sengwe se etla, o ka khutša netefatšong ge o bea tšhelete ya gago ka go yeo, eupša ge kgwebo e se ya loka kudu, gabotse, o ka se nyake go e leka, ye nngwe ye botse, polane ya go tshepega, se sengwe seo se tla go lefago gabotse.

¹⁶ Gomme mmuši yo moswa yo wa mohumi, bjalo ka ge re e bitša ka Beibeleng, o fetile sebakabotse se segolo, o bile le sebakabotse go bea go huma ga gagwe ga lefase le ka go polane ye e kgonthiitšwego, eupša o e šitile, ga se a ke a e dira. O ile a fiwa sebakabotse gore a kgone go goga manamane ka go yona, le go dira peeletšo ye kgolo, eupša o—o šitilwe go amogela sebakabotse seo, kudukudu, bjalo ka ge bontši bja rena re dira lehono, gomme re hwetša gore go befile kudu, eupša re a e dira, bjale, le ge peakanyo ye yeo a neetšwego e be e hlatseditšwe ka phethagalo gore e be e kwagala. Ge Jesu a tlile lefaseng, O netefaditše gore O be a le se A rilego O be a le sona, gore O be a le Modimo, a bonagaditšwe nameng, ka gore O se tlišitše go—go makgaolakang gomme o rile, “Ge Ke sa dire mediro ya Tate wa Ka, gona se Ntumeleng.”

¹⁷ Kafao, lesogana le le be le swana le le legolo le, Lebaka la Laodikia la go huma le re phelago ka go lona, ba bone sebakabotse se segolo go—go beeletša ka go se sengwe, eupša ga se sa tuma. Jesu e be e se Monna wa go tuma ka matsatšing a Gagwe, feela magareng ga badiidi le ba go se rutege, kereke ya letšatši la Gagwe, kerekeleina ya letšatši la Gagwe, goba, mabodumedi a dikgao, ga se a be le selo go dira le Yena, eupša go swanetše go ba go bile *se sengwe* ka Yena, seo moisa yo moswa yo wa mohumi a se bonego ka go Jesu, seo a sego a se bona ka go ba bangwe. Gomme o bile le ya go tlwaelega, kgopolo ye botse ya go tla le go botšiša se a ka se dirago, gobane o be a bone ka go Jesu gore go be go ne boleng bjoo ba gagwe. . . ga se a bo bona ka go e ka ba mang gape, eupša, le a bona, o be a humile kudu ka dilo tša lefase. Re na le seswantšho sa go ratega sa se ka go Lebaka la Laodikia ka go Kutollo 3, “Gobane o re o humile gomme ga o hloke selo; gomme efela ga o tsebe gore o madimabe, o a diila, o fofušetše, o a šokiša, o hlobotše, gomme ga o e tsebe.”

¹⁸ A kgopolo ya go šiiša e lego yona, go nagana gore motho a ka fofuala, goba o tla ba mokgotheng a hlobotše, seo ke selo sa go šiiša, eupša karolo ye mpempe ya yona ke, ke monna ka seemong sela, gomme efela ga a e tsebe. Ge motho yola a tsebile gore o be a le ka seemong sela, o be a tla leka go ithuša yenamong, eupša go beng ka seemong sela gomme ga a tsebe o ka seemong sela, gomme o ka se mmošetše phapano e ka ba efe.

¹⁹ Seo ke seswantšho se re se bonago lehono, gore, ba bantši ba rena batho re bona Modimo a sepela ka go matsatši a a mafelelo, re bona Moya wo Mokgethwa o etla magareng ga rena, le go hlatsela tšona ditshepišo tša Beibele tšeo Kriste a rilego di tla direga, gomme efela, ka diphapano tša rena tša kerekeleina, le

thutotumelo ya rena, le boemo bja rena bja leago, bjalo ka ge lesogana lela le bile, re gana sebakabotse boka a dira, goba, boka a dirile. Ba be ba boifa go dira peeletšo, bokaone a swarelele go dilo tše a bilego natšo: botsebalegi, tšhelete, kganyogo, sebakeng sa go bea peeletšo ya gagwe, ge a . . . sebakabotse se kokotile lebating la gagwe, go ya go Mmušo wa Modimo.

²⁰ Ga ke dumele gore e ka ba mang, yoo . . . yo a ratago Kriste, a ka kgona go dula ka kopanong, bjalo ka ge go direga ka go ya kgonthe, ya go tlala Moya, ya Pentecostal ka ntle ka letšatšing le, le go bona bjona Bogona bja Jesu Kriste bo ratha fase godimo ga batho, le go dira, le go dira dilo tše A tshepišitšego gore di tla dirwa ka letšatšing le, gomme (tsela e nnoši o ka kgonago ke . . .) wa gana sebakabotse se Modimo a go fago sona go ba karolo ya sona.

²¹ A selo sa phošo moisa yo moswa yo a se dirilego, go gana sebakabotse se, gomme a selo sa phošo dikerekemaina di se dirago lehono, sebakeng sa go amogela, le go gokarela Moya wo Mokgethwa, le go lebala diphapano tša bona, ba aroganya bongwanešu le go leka go gogela dihlopha tše dinnyane ka morago ga go latela ga bona beng.

²² Re hwetša, gore ka go Kutollo 3, go Lebaka la Laodikia, leo bjale re phelago ka go lona, go tlhathollo ya ka ya Lengwalo, gore ge Molaetša o tlile pele wa Lebaka la Laodikia, bjalo ka ge o dirile ka go lebaka le lengwe le le lengwe, gomme lebaka le lengwe le le lengwe le bile le motseta, gore re tlile pele ka go letšatši le la mafelelo, le go hwetša gore kereke yela e be e humile kudu, gomme ba be ba sa dumelelane kudu le Yena, ba Mmeile ka ntle ga kereke, gobane ke lebaka la kereke le nnoši leo re le hwetšago, ebile go kgabola, gabotse, re tla nagana Lebaka la Kereke ya Efeso, le Sarede, le mabaka ohle a kereke bjalo ka ge a bile, ebile tlase ka go Lebaka la Filadelfia, oo, Lebaka la Kereke ya Wesleyan, le go ya pele, ebile le ka go mabaka ale ohle, O be a se a beelwa ntle, eupša ka go Lebaka la Kereke ya Laodikia O be a le ka ntle, eupša o be a sa kokota, a leka go tsena ka kerekeng ya Gagwe Mong.

²³ Ka Bogona bjo Bokgethwa bja Gagwe, bjalo ka ge go bile ge A be a le lefaseng, Modimo o be a le ka go Motho o tee, bjale Modimo o ka go Kereke ya Gagwe, Bophelo bja Gagwe bo arogane magareng ga batho ba Gagwe, Modimo a phela magareng ga bona, a leka go ba kopanya mmogo ka go Mmele wa sephiri wa Kriste, wo o bitšwago Monyalwa wa Gagwe. Gomme ge A leka go dira seo . . . Gomme O tla se dira, ka gore bjalo ka ge moprofa a boletše, e tlile pele, pulamadibogo ya Gagwe bakeng sa Go Tla ga Gagwe ga Pele, e rile, “Modimo o kgona ka matlapa a go tsoša bana.” Gomme lehono, ge ditšhegofatšo di wetše godimo ga Mapentecostal mengwaga ya go feta, gomme ba ikarogantše bonabeng, go itaetša ba se ne tumelo, Modimo o

kgona ka Mamethodist, le Orthodox, le go ya pele, ka matlapa a go tsošetša Abraham bana.

24 Gomme a le kile la nagana, baena ba ka, a le kile, e kile ya tla go lena ka Lengwalong, gore lona letšatši leo kgarebe ya go robala e tlogo go reka Oli, leo e bile letšatši leo A tlilego? Ge le bona Orthodox ya Gerike, Maepiscopalian, Mamethodist, Mabaptist, Mapresbyterian, ba etla ka gare, ba swaretšwe Wo ke tlala, “Re ka kgona go hwetša Oli ye kae,” elelwang, e bile iri yela yeo Monyadi a tlilego. A re šetšeng dipeeletšo tša rena, moo di lefago gona.

25 Bjale, ba Mmeile ka ntle ga dikerekemaina tša bona, ba be ba sa Mo nyake. Mmuši yo moswa wa mohumi o tlogile a nyamile, le ge le ka hlokomela gore e bolela mo ka Lengwalong, “Jesu ge a mo lebeletše a mo rata.” Gomme O ratile batho ba ka go mekgatlo ye, ke batho ba Modimo, O be a ba rata, gomme O neetše, gomme o neetše lebaka la mengwaga ye masometlhano ya go feta, sebakabotse go dira peeletšo ye nngwe ka go Yena, e sego ka moagong wa kereke, eupša ka maatleng le tsongong ya Kriste, le go amogela kolobetšo ya Moya wo Mokgethwa. Ga se gwa tlwaelega, ka kgonthe aowa, ga se gwa tsoge gwa tuma. Eng kapa eng Modimo a kilego a e dira lefaseng ga se ya tsoge ya tuma go tloga mathomong, ga se gwa tlwaelega kudu, go rerilwe go ba ka tsela yeo. A Jesu ga se a bitša Bafarisei maboto a mašweu? O rile, “Ke ofe wa botataweno a sa hlomarago bapofeta? Le takile mabitla a bona bjale, eupša le bile lena bao ba ba beilego ka fale.”

26 Ba e aga godimo ga selo se sengwe se segolo, Methodist godimo ga John Wesley, monna yo mogolo, Lutheran godimo ga Martin Luther, le go ya pele, gomme bjale, Mapentecostal ba leka go aga lebitla go se sengwe, e bile mengwaga ye masometlhano ya go feta, yeo e ba ntšhitšego go mohuta wo wa tlhakatlhakano, gomme bjale, ba e iša thwi morago ka gare gape, go pholetšha le—le lebitla la bao ka kgonthe re ba beilego ka gare. Yeo ke nnete.

27 Bjale, pholisi ye kgolo ye ya netefatšo ye ke e kgopelago yo mongwe le yo mongwe go beeletša ka go yona lehono, a re lebeleleng morago, gomme dilo tšohle di swanetše go swana le kgwebo e ka ba efe ye nngwe, pele re dira peeletšo ya rena, re swanetše go hwetša ka—ka ga khamphani, goba ka selo se re lekago go se reka. Gomme ke nagana go tla ba gabotse, mosong wo, mo metsotsong e se mekae e latelago, ge re nyakišiša ba bangwe ba baswari ba pholisi ye go hwetša feela se se diregilego, yeo ke tsela e nnoši go dira ge o eya go dira peeletšo ya kgwebo. Ka mehla o tla ya godimo le go re go monna mogageno “A . . . Go reng ka khamphani ye ya *Gorelegore*? Go reng ka kgwebo ye ya *Gorelegore*?”

28 “Gabotse, e diretše *Semangmang se*. E diretše *Semangmang se*, le gabotse, e lefile go *se*. Gomme ditlemo tše, dikhupone tše,

dikhupone tša mmušo tša pankka, gomme di lefile ka diphesente tše masompedi tlhano,” le go ya pele.

²⁹ Gore . . . Ke mo gobotse go e nyakišiša, le go hwetša pele o dira peeletšo ya gago.

³⁰ Kafao, bjalo ka . . . e sego tlwa morekiši wa netefatšo mosong wo, eupša ke bolelela yo Motee, a re yeng morago gomme re nyakišišeng, gomme re hwetše ba bangwe ba baswari ba yona, ba bangwe ba baswari bao ba swerego Selo seo ke bego ke leka go le botša go swarelela go sona, leo ke Lentšu la Modimo, Lentšu la tshepišo ya Gagwe go sa kgathale kerekeleina goba thutotumelo, banna le basadi ba ba tšerego Modimo go Lentšu la Gagwe, go sa kgathale se e ka ba mang gape a se naganego ka yona, re nyaka go hwetša ba bangwe ba baswari ba tšona le go di nyakišiša.

³¹ A re thomeng morago ka—ka moswari wa kgale, yo nka naganago ka yena, mengwaga ye metelele ya go feta. Leina la gagwe e be e le Noage, o be a le molemi wa mohumi, gomme re hwetša gore ge a be a sa na le dithoto tše botse godimo ga lefase, letšatši le lengwe Modimo o boletše le yena, gomme ka mehla ge Modimo a bolela, e kgahlanong kudu le dikgopolo tša lefase tša selo, go fapana kudu go tloga go mosepelo wa sebjalebjaale wa letšatši, go fihla motho yo a amogelago pholisi, batho ba bangwe ba ba se nago pholisi, goba ba sa tsebego selo ka yona, ga se ba ke ba e bolela gape, ba nagana monna o a gafa ka go e amogela, ka mehla go bile ka tsela yeo.

³² Modimo o boditše Noage, ka tshepišo, “Ke ya go senya lefase, gomme Ke nyaka o age areka. Tloša dikgong polaseng ya gago, gomme—gomme o se sa dira mehlare ya moriti, eupša ke nyaka o age areka, ke ya go phološa bophelo bja gago.” Gomme Noage, go obamela seo, ga se ya kgonana le dikgopolo tša bona tša sebjalebjaale tša saense. Le a tseba, re a rutwa, gore re bile le tlhabologo ye kgolokgolo nako yeo go feta re nago bjale, Jesu o rile, “Bjalo ka ge go bile ka matsatšing a Noage, go tla ba bjalo ka go tlang ga Morwa wa motho,” tlhabologo ya sebjalebjaale.

³³ Gomme re botšwa ke Genesi gore ga se ba ke ba tsoge ba ba le pula fase go tšwa magodimong, Modimo o nošeditše ka go nošetša, lefase le eme go otlologa, ga se la ke la ithekga morago, gomme ga se re be le pula ye e nago; gomme mo go tla monna, a etla pele godimo ga pholisi, yeo a e filwego ke Modimo, gore kahlolo e be e etla, gomme tsela e nnoši go e phonyokga, gore go be go etla tiragalomatlaba bjalo ka pula, meetse a be a eya go wa go tšwa mafaufaug. Mohlomongwe ba bangwe ba banna ba bona ba sebjalebjaale ba saense ba kgonne go bea didirišwa tša bona godimo, le go re, “Re ka kgona go thunya ngwedi ka ratara, gomme ga go selo se sebjalo bjalo ka meetse lefaufaug. Monna o a gafa ka go felela, mo tlogeleng a nnoši, o tla tliša kgobogo godimo ga gagwemong.”

³⁴ Ge seo e se seswantšho sa modumedi wa letšatši la sebjaalebja, lehono, o tšewa go ba segafa ka go felela, o a tsenwa, o a gafa. Ke leboga ngwanešu mafelelong mo, bakeng sa theto ya gagwe, “Ke be ke no ba bošilo go lekanela go dumela Lentšu.” Seo se lokile. Ke—ke nyaka go dula bošilo. Ke bone leswao le lennyane nako ye nngwe, ke botšwa ka monna ntle ka California, o be a na le poroto ye kgolo ka pele ga gagwe mo, o rile, “Ke nna lešilo bakeng sa Kriste,” gomme mo mokokotlong wa gagwe, ka leswao la potšišo, o rile, “O lešilo la mang?” Uh-huh.

³⁵ Noage o be a le lešilo ka mahlong a lefase, ka letšatšing leo, bakeng sa . . . Modimo, le bakeng sa Lentšu, eupša o be a na le pholisi ye e bego e eya go goga mašokotšo, go ya go lefa ka go phološeng ga bophelo bja gagwe. Bjalo ka ge ke boletše pele, e ka no se kgone go sepela le mosepelo ohle wa saense. Ba ka no leka, lehono, go re se ke maikutlo a go hlweka, bjalo ka ge ngwanešu yo motee a pakile, ke a dumela mo, o be a sa nyake maikutlo, gomme seo ke se sebotse, ke a nagana go na le dilo tše ntši tša bogwaragwara di yago le yona tše di sepelago.

³⁶ Ke be ke bala bophelo bja Martin Luther, goba, histori, gomme e rile e be e se tiragalo ye bjalo yeo Luther a ka kgonago go gwabela kereke ya Katoliki, gomme a phomelela, eupša tiragalo e be e le, monna o kgonne go swara hlogo ya gagwe ka godimo ga bohlanga bjohle bjo bo latetšego tsošetšo ya gagwe.

³⁷ Seo ke sa go swana se lego lehono, ga se bontši kudu . . . bja— bja tiragalo go bona batho ba tšwela ka ntle ga mekgatlo le dilo, eupša monna yo a ka kgonago go dula le Lentšu, gomme a swara hlogo ya gagwe ka godimo ga bohlanga bjohle bjoo bo lekago go latela mosepelo wo mobjalo, maikutlo, le go ya pele, ao a thekgago tumelo godimo, ao ka go felela e lego bonama, bjalo ka ge ngwanešu yo bohlokwa a tsopotše ka ga Segerike, le a bona, ba ya ka ntle, selo se se swanago, nama, nama, kerekeleina, le go ya pele, eupša yo mongwe, a ka kgona go swara hlogo ya bona ka godimo ga seo, gomme a dula le O RIALO MORENA. Ke therešo.

³⁸ Re hwetša gore Noage . . . gore morago ga ge o amogetše pholisi ye yeo ke boelago ka yona mosong wo, netefatšo, netefatšo ya phološo, ka mehla o lekilwe. Gomme ka mehla go na le . . . Mmušo wa Modimo ga o tle ka, ka go hlokomedišiša, gomme re a tseba gore o a lekwa, morwa yo mongwe le yo mongwe yoo a tlogo go Modimo o swanetše go tlhahlo ya ngwana.

³⁹ Ke nagana seo ke se e lego bothata ka sehlopha sa boElvis le boRicky ba bannyane ba rena lehono, ga se ba be le mohuta wa nnete wa tlhahlo ya ngwana. Papa o be a fela, a ntšea go ya diithokgweng, gomme ke na le thuto ye botse ya mokgwa wa go itshwara nnamong, o be a na le lekala la mohikori ka melao ye lesome ka moka mafelelong a lona, ka nnete go tlišitše boitshwaro go nna. Go befile kudu ga re ne botate le bomme, bontši bja bona lehono bao ba tla dirago selo sa go swana,

sebakeng sa go raloka ka koloiphetolwa, le go tšwa bošego bjohle, gomme barwedi ba bona ba phetlega ka go ye nngwe. . . oo, le tseba se ke se rago.

⁴⁰ Bjale, eupša o a lekwa, go bewa tekong go netefatšwa. Gomme Noage, ka morago ga matšatši a thero ya gagwe, ge a eme ka arekeng ya mojako wa gagwe, gomme o file, uh, mojako wa areka ya gagwe, a ke re, gomme o file yona pitšo ya mafelelo, gomme Modimo o mmoditše, “Ke feditše ka bona. Tsena ka polokegong ye e filwego.”

⁴¹ Ke nagana ke moo re emego, go tsena ka go lefelo lela la lefelo la polokego. Sephethephethe sa sebe se a šiiša, eupša Modimo re fe lefelo la polokego, bjalo ka ge ke be ke bolela ka lona bošegong bja go feta, tlhabelo. Dula ka fale, o se ye go tsekella, bjalo ka ge ngwanešu a boletše, o ka thekesela go tšwa go yona, bokaone dudišega. Bjale, le se ke la ya go tsekella go tloga ka diism le dithutotaelo, dulang le Lentšu, dulang le Kriste; go Mo tseba ke Bophelo, e sego go tseba thutotumelo ya Gagwe, e sego go tseba puku ya Gagwe, e sego go tseba lefeela, eupša go Mo tseba ke Bophelo.

⁴² Re hwetša gore Noage, a re feng terama ye nnyane ya yona, go ba thari, gomme Noage o ba boditše, “Ye ke pitšo ya lena ya mafelelo, ke na le pholisi mo, netefatšo gore e ya go na, Ga ke kgathale se molao wa lena wa saense o se bolelago, eupša bokaone le tsene.” Ba mo segile. Go bile ba bangwe bao ba dutšego kgauswi, ka nnete, le go theetša, gomme ba bangwe ebile ga se ba tla go mo kwa le gatee.

⁴³ Kafao Noage o tsene ka gare, gomme mojako wa tswalelwa ka morago ga gagwe; Noage ga se a tswalela mojako, Modimo o tswaletše mojako. Gomme ka fao O tla e dira gape ge leloko la mafelelo la Mmele wa Kriste. . . O ka se tsoge wa o direla mmele wa go palega goba nna, bokaone re tle ka gare ge go sa na le sebakabotse, o ka se be le menwana ye tshela godimo ga seatla se tee, ebile o ka se be le dinala tše pedi tša menwana godimo ga monwana o motee, e tla ba Mmele wa go phethagala ntle le bosodi. Ge leloko lela la mafelelo le okeditšwe go Mmele wola, Modimo o tla tswalela mojako gare ga kahlolo le kgaogelo, goba, kgaogelo le kahlolo, ke swanetše go bolela. Hlokomelang.

⁴⁴ Ka gona ka morago ga ge mojako o tswaletšwe, ke kgona go kwa Noage a re go mosadimogatša wa gagwe, o ka re nka kgona go theetša ka gare, gomme go bapa le ye nngwe ya tšela, bjalo ka ge banešu ba boletše ka yona, tsela yela ya lethale la go hlongwa mobung ya go bolela ka maleme, mo kweng a re, “Bjale, mo mosong maru a tla tsoga, gomme e tla ba—e tla ba pula, ye, yona—yona medumo e tla rora gomme magadima a tla gadima, gomme go tla tla pula ye kgolo. Ke dirile bokaonekaone bja ka, eupša ke ka gare bjale, gomme mojako o tswaletšwe; re a tseba se sengwe sa kagodimogatlhago se diregile, gobane ga se ra tsoge

ra tswalela mojako wola, Yo mongwe o tswaletše mojako, E be e le Modimo.”

⁴⁵ Gomme le a tseba, gona go bile ba bangwe ba badumedi ba mollwaneng bao ba emego kgauswi, le go theetša, ba e dumetše tsela seripa, go molaleng bjalo ka mmuši yo moswa wa mohumi, eupša ba rile, “Bokaone re ye godimo. Re a tseba o be a le wa go loka, mokgalabje, gomme ge go ka tla selo se sebjalo, re tla be re eme kgauswi, moo re ka kgonago go fihla, oo, re tsena thwi ka gare, o tla bula mojako.” Eupša elelwang, Noage ga se a be le tsela ya go bula mojako.

⁴⁶ O se ke wa ba mollwaneng le Modimo. O se ke wa no ba monna wa go loka goba mosadi wa go loka, o tlatšwe ka Moya wo Mokgethwa, o kolobeletšwe ka Mmeleng ka Moya wo Mokgethwa. O se ke wa tšea mabarebare, ga go selo ka ona, dula fao go fihla o hwile, gomme bophelo bja gago ke bjo boswa ka go Kriste, gomme bophelo bjohle bja gago bo fetogile. O se ke wa no tšea maikutlo, maikutlo, goba se- . . . o se ke wa dira seo, dula fale go fihlela se sengwe ka kgonthe se direga seo se go fetolago go felelela.

⁴⁷ Noage ka gare, gomme bjale badumedi ba ba mollwaneng ba ngwegetše godimo gomme ba re, “Mohlomongwe e ka no na, bjalo ka ge mokgalabje a boletše, se sengwe se diregile, se sengwe tiragalomatlabi.” Kafao lefase le ka kgona go e bona lehono, gore se sengwe se a direga.

⁴⁸ Gomme mosong wa mathomo ge Noage a tsogile le go ya godimo go lebelela ntle ka lefastere, letšatši le tlile godimo go no phadima ka mo le kilego la dira. Ke tla eleletša Noage a hlodišišitše, o rile, “Ema motsotso, a re boneng ge eba ke be ke nepile.” O ile morago go Lentšu, go pitšo ya gagwe, go tshepišo ya gagwe, se sengwe le se sengwe se be se le tlwa ka mothalong. “Gabotse, O—O nno e diegiša, ka kgonagalo e tla ba gosasa.” Letšatši la go latela letšatši le hlabile. Gabotse, modumedi wa mollwaneng, o bile moswaswalatši le yena, o rile, “Le a bona, go be go se selo go yona.” O ile ntle.

⁴⁹ Eupša ka gona mafelelong, morago ga ge Modimo a mo file teko ya gagwe ya mafelelo, ka letšatši la bošupa, mosong woo, mafaufau e be e le a maso, medumo e be e rora, legadima le gadima, ka gona marothi a magolo a pula a thoma go wa, gomme le—le lefase la tlalelo la batho la thoma go goelela le go tsoma areka yela, eupša go be go le thari kudu, boka kgarebe ye e robotšego yeo e kokotilego mo lebating. Go be go le thari kudu. Le se ke la leta go fihla nako yeo, etlang bjale.

⁵⁰ Hlokomelang, gomme ka gona, morago ga sohle se, pula e bile boima, mekgotha e thoma go tlala, dikelelatšhila di tletše, meetse a thoma go rotoga, ba bangwe ba bona ba rile, “Re tla no ikagela sekepe le go phaphamala. Re tla ikhweletša kota ya mopopolere.” Seo ke se ba bantši kudu ba se dirago lehono, ba

leka go phaphamala go kgabola godimo ga kota ya mopopolere, eupša re hwetša e nweletše; gomme ba naganne ba ka aga sekepe, gomme go tla loka, eupša dikepe tša bona di ile tlase.

⁵¹ Seo ke se o se naganago lehono, gore re ka kgona go aga mokgatlo, goba go rutela sehlopha sa batho ka go wona, o tla ya go le bjalo ge eba o agilwe ke Modimo goba aowa, eupša selo se nnoši seo se tla fetago moleko ke Kereke ye e agilwego ke Modimo ka Lentšu, e tladišwe ka Moya wo Mokgethwa, e swanetše go ba taelo ya Modimo, ya go šušumetšwa ke Modimo, motho ga a ne selo go dira ka go yona, ke Modimo gomme Yena a nnoši.

⁵² Meetse a thoma go tla godimo ga areka, Mdi. Noage le go molaleng betši ba gagwe ba be ba makala, Noage o rile, “E no homolang, Modimo o dirile tshepišo, netefatšo ya rena e netefaleditšwe ka go felela go rena.” Gomme o tsebile gore kago ya gagwe e be e le go ya ka taelo ya gagwe. Gomme ke a makala lehono ge eba re tla šetša, le go lebelela tikologong, le go hwetša ge eba meago ya rena ke go ya ka ditaello, ka gore O rile, “Ge motho a dumela go Nna, mediro ye Ke e dirago o tla e dira le yena.” Ke a makala ge eba kago ya rena e tla bapela le taelo ye re e filwego.

Eupša Noage o hlodišitše, se sengwe le se sengwe, khona ye nngwe le ye nngwe e hlomilwe ka gare. O rile, “Mme, e swanetše go šoma, Modimo o e tshepišitše ka tsela ye.”

“Gobaneng,” o rile, “ke lebeletše ntle, gomme ke bone ba ga Jones,” goba go ya pele, “sekepe sa bona se nweletše tlase thwi, gomme sa rena se sa dutše mobung!”

⁵³ Go no tšea tlhomaro ye nnyane gape, kahlolo ye nnyane gape ya Modimo go e tliša godimo. Mafelelong meetse a tebatebi le go tebatebi, ka morago ga lebakana lapa lohle le ikwetše se sengwe se sepela, o tlogetše mobu. Ke no nyaka go ba ka go Yena, le lengwe la matšatši a, ke mohuta wa go lapa ka ntlo ye ya dilomi ya kgale, ka bogolo bja mengwaga ye masometlhano tharo ke—ke, le lengwe la matšatši a, ke letela go ikwela se sengwe se sepela, re nyaka go tloga. Areka e be e rotoga, ge ba bangwe ba nwelela, areka e be e rotoga; Modimo ka go Lentšu la Gagwe o phethagaditše tshepišo ya Gagwe. Sathane o mo lekile, Sathane o lekile go mo nyefiša moko, o lekile go mo nyefiša moko ka batho ba letšatši leo, mabodumedi a letšatši leo, ka saense ya letšatši leo.

⁵⁴ Ke badile ka lephapheng, maabane, ke a dumela e be e le, letšatši pele ga maabane, moo saense e hweditšego tsela yeo motho a sa swanelago go hwa, go ba le bophelo bjo bosafelego. Gabotse, ba nagana seo ke se sengwe se seswa? Re bile le seo lebaka la mengwaga ye dikete tše pedi; ba nagana gore ba ne se sengwe se seswa! Bjalo ka ge David duPlessis a kile a re, “Russia e ikgantšhitše gobane ba bile le monna sebakabakeng, re bile le yo Motee ka lefaufaung lebaka la mengwaga ye dikete tše

pedi. Re kgole kudu pele ga bona ebile ga ba tsebe moo ba lego.” Kgonthe. Mmoelanyi magareng ga rena le Modimo, ka netefatšo, “Ge Ke bona Madi, Ke tla feta godimo ga lena,” ge dikahlolo di etla. A ga o nyake go ba le kgahlego ka go pholisi ye bjalo? O swanetše go ba, gobane tšohle tše dingwe di ya go šitwa. Yeo ke nnete tlwa.

⁵⁵ Mafelelong, ge areka mafelelong e dirile go thuhlula ga yona go gogolo ga mafelelo le go taboga ge e tlogela bofase bja mobu, Lentšu le lefile, gomme pholisi e lefile ka mašokotšo, e mo phološitše le lapa la gagwe. Ke leboga seo kudu. Re ka kgona go dula go seo nako ye telele, eupša re tla ya pejana gannyane.

⁵⁶ Go bile le monna yo mongwe ke tla ratago, moswari wa pholisi, go le tsebiša yena mosong wo. Ga go pelaelo eupša se le se kwelego ka yena, leina la gagwe e be e le Daniele. O tšere pholisi ye ya netefatšo ya Bophelo, gomme o ile a rwalelwa tlase ka Babilonia mo matsatšing a gagwe, eupša Daniele, gobane o be a le moswari wa pholisi, o rerile ka pelong ya gagwe go se tšhilafatše pholisi ya gagwe, o be a sa ye go tšhilafatša peeletšo ya gagwe. (Bjale, ke tla fihla go se o se boletšego.) O na le pholisi, eupša o se ke wa e tšhilafatša, ge o na le yona, tlogela go thekesela go dikologa le lefase, eya kgole go tloga go lona. Gomme Daniele o rerile ka pelong ya gagwe gore a ka se tšhilafatše bohwa bja gagwe ka dijo tša kgoši.

⁵⁷ Bjale, ba bangwe ba lena basadi le tlogela moriri wa lena go thoma go gola. Nnete. Ba bangwe ba lena banna, le thoma go dira se sengwe. Dihlong go lena bareri ba, le lewago ke hlong go e bolela, Modimo a be le kgaogelo godimo ga lena, le a boifa le bewa ka ntle ga mokgatlo wa lena. Go reng ka go bewa ka ntle ga areka? Ellelwa, Ngwanešu, ke Lentšu la Modimo le le bolelago seo.

⁵⁸ O se ke wa tšhilafatša peeletšo ya gago. Ge o dirile peeletšo, gona swara ka yona, le go e boloka ka lefelong le le bolokegilego ka pelong ya gago, ka soulong ya gago, dula le yona, o se ke wa e tšhilafatša ka dilo tša lefase. Kereke, etla morago go Modimo, tloga go dilo tše dinnyane tše tša kgale o kitimago ka morago ga tšona, Maoneness ba go ragela ka ntle, o tšoenana ma—ma Maassemblies, Maassemblies ba go ragela ka ntle, o ya Church of God, tlogela go tšhilafatša bohwa bja gago—bja gago, tlogela go tšhilafatša peeletšo ya gago, nkabe ke rile, go ya morago, go e boloka e hlwekile, e šomela Modimo.

⁵⁹ Nka no bitša, le go go dira o tsebe gore Daniele, e phološitše bophelo bja gagwe, ge ba mo lahetše ka legolong la ditau ga se tša kgona go mo ja, go be go le se sengwe sa phošo, gobane Morongwa wa Morena o be a romilwe go mo šireletša, gomme e phološitše bophelo bja gagwe. Gomme ge go na le e ka ba eng e lego ye kgolo go e ka ba mang wa go hwa, ke bophelo. Ke eng se segolwane go feta bophelo?

⁶⁰ Ke ofe . . . ? A ngaka e ka kgona go ema fa mosong wo, le go bolela ka pilisi, yeo a e utolotšego ka saense, go go dira o phele mengwaga ye lekgolo, goba mengwaga ye sekete? Gobaneng, o be o tla—o be o tla rekiša se sengwe le se sengwe o swanetšego go se hwetša. Kgontho, o be o tla dira, bophelo bo a ratega. Eupša ke leka go le botša ka . . . pholisi, ya netefatšo, gore ga le phele lebaka la mengwaga ye lekgolo, ga le phele lebaka la mengwaga ye sekete, le phela Kagosafelego, gobane ke netefatšo ya Bophelo bjo Bosafelego, gomme re nyaka yeo.

⁶¹ Bana ba Bahebere, gape ba bile le pholisi ya go swana le netefatšo, gomme ka kgontho ba be ba sa ye go khunamela e ka ba eng kgahlanong le Lentšu la Modimo, ga go kgathale ke dilo tše kae ba lekilego go di bea pele ga bona, “O swanetše go tsoena se, goba re tla go lahlela ntle,” ba dutše go rereša go Lentšu, ga se ba khunama pele ga modingwana e ka ba ofe, gomme ge kahlolo e etla, bophelo bja bona bo phološitšwe, gobane ba be ba le moswari wa pholisi yeo ke bolelago ka yona.

⁶² Simone Petro, re ka bolela ka yena nakwana, gobane o be a boletšwe mosong wo. Gomme yena ke . . . yo mongwe wa baapostola, le yo motee yo a bego a swere dikgonyo tša Mmušo, ka mantšu a mangwe, tsebo, ka fao a ka kgonyollago mabati go ya Mmušong, gomme re boletše ka seo bošegong bja go feta. Sekgonyo se notletše mojako, gomme sa o kgonyolla, gomme re kwele ka seo bošegong bja go feta, motheo wa setlogo. Ga go tsela ya go tla morago, feela go ya morago tlwa mo o thomilego. Ngwanešu o boletše mosong wo, a bolela ka Simone Petro, le se a se dirilego, lebelelang mo a thomilego, o thomile go tloga go Ditiro, fao ke mo Kereke e thomilego, gomme fao ke mo Kereke e swanetšego go ya morago gona, go ya morago go taelotšhomišo yela ya go swana, Lentšu lela la go swana la Modimo le go e latela go kgabola. Ge re e tlogetše, gona eyang morago go yona, tsela e nnoši go tšwela ntle gabotse ke go leba morago, le go otlolla.

⁶³ Ke a thunya, go thunya maleba, gomme ke bile le diala tše ntši. Gomme letšatši le lengwe, Morena ka go tseba pelo ya ka, ka go tseba gore ke hloka go khutša mo gonnyane, O ntirile gore ke thunye selo sa go makatša, ka mohuta wa raborolo ya go tlwaelega ya 70 Winchester .22 ka polaseng, ke thuntšhitše dikolo tše senyane ka moleteng wa go swana. Ba babedi ba sehlopha sa banna ba eme fale ba beile segaswa morago, ba rile, “Ke a dumela o foša senepša.” E be e le eng? Ke be ke hlakahlakane ka sethunya sela, le go thinya ka sona, le se sengwe le se sengwe, go fihla mororomelo wo mongwe le wo mongwe wo monnyane o swanetše go loka, gomme ge se foša senepša, go na le se sengwe sa phošo felotsoko. Khamphani ya Winchester e rile, “Sethunya sela se tla thunya feela sehlopha sa intšhi ka dijarata tše masompedi tlhano,” gomme ke be ke ne dikolo tše senyane ka moleteng wa go swana ka jarateng ye masometlhano, ga go kgathale se ba se boletšego, se be se šomile pele, se tla šoma gape.

64 Seo ke se ke se bolelago lehono. Ba re, “Lena . . . Re ka se kgone go ba le Pentecost boka ba bile nako yela, batho ba ka se dumele selo sela, o ka se kgone go e dira. Re swanetše go ba le kereke, re swanetše go ba le mokgatlo, re swanetše go ba le thuto e hlabetšwe ka go yona,” le go ya pele. Ge e šomile morago kua go batheadihlapi ba go se rutege ba ba kgonnego go tšea Modimo Lentšung la Gagwe, ge e ka betha senepša nako yeo, ge e fodišitše balwetši, ge e tsošitše bahu, e tla dira selo sa go swana lehono. Ge mororomelo wa maleba o bewa godimo ga sethunya, o tla korola thwi ka gare, ge o sa dire, eya morago gomme o hlodišiše sethunya sa gago, kafao, go ya morago, go topa taelotšhomišo, le go hwetša mo re lego phošo; yeo ke tsela e nnoši ke tsebage go e dira. Eupša e tla e dira, gobane e iteile pele, e tla betha gape. Ge e šometše baapostola ntle le kerekeleina, ntle le thutotumelo, ntle le go ba Mamethodist, Mabaptist, Presbyterian, goba *eng gape*, e ba šometše go Lentšu la Modimo, e tla ntšhomela go Lentšu la Modimo, e tla go šomela ka Lentšu la Modimo.

65 Eupša o swanetše go hwetša moo dikurufi tša gago tša go tlemologa di lego, dinako tše dingwe o na le, ntshwareleng, o na le bontši bja tšona, tše dingwe tša tšona e bile ba swinelela kudu, o swanetše go se hlephiša gannyane, thwi, go dira mororomelo. Boka rammino le katara ya gagwe—ya gagwe, a hlalaha disenare tša gagwe, o swanetše go tseba go modumo wa sona. Monna wa go tlala ka Moya a ka kgona go bolela modumo wa yona, ge eba e kgole godimo ga Beibele, goba tsela ka morago ga Beibele, e swanetše go ba thwi ka Beibeleng, tlwa le O RIALO MORENA, e swanetše go katišwa ka nnete, gona e tla korola, morago e tla betha lefelo.

66 Petro o be a le motheadihlapi, o be a thunya go tloga go senepša nako ye telele. Tatagwe o mmoditše pele a ehwa, “Mohlomongwe, morwa, ke nna mokgalabje, ke lebeletše Mesia, re bile ge e sa le go tloga Edene, A ka se tle ka kgonagalo mo letšatšing la ka, eupša A ka no ba, la gago. Eupša o se forwe, morwa, go ne dilo tše dintši di tlogo nako yohle tšeo di rego ke Mesia, eupša rena, ge Mesia a etla, elelwa, re swanetše go dula le Lentšu se Mesia a tla bago sona.”

67 Bontši bja bona . . . Le a tseba, go bile le boJesu ba tsogile pele ga Jesu Kriste. Go bile baetapele bao ba emeletšego godimo le go gogela batho ka lešokeng ka ditumelothoko le dipente tša kerekeleina, eupša e be e se selo sa maleba, ba senyegile ka sona, boka polelo ya go ganetša ya Kora, yo a rilego, “Ke mang yo mokgethwa? Moshe o nagana ke yena leswikana le nnoši godimo ga lebopo, go na le banna ba bangwe ba bakgethwa.” Eupša Modimo o bile le tsela ya Gagwe, gomme Modimo o bile le monna wa Gagwe, gomme Modimo o bile le dilo tša Gagwe. Modimo o na le Lentšu la Gagwe, gomme ke mang a yago go, kgahlanong le Lona? Dula le Lona. Bjale, šetšang.

O rile, “Simone, morwa wa ka, ge Mesia a etla, Moshe, ka Lentšu, o boletše gore O tla ba moprofeta boka yena.”

⁶⁸ Ge Andrea a be a le go, a bone Jesu, o tlile morago le go leka go mmotša, ke a eleletša Petro o šikintše hlogo ya gagwe, o rile, “Ke nna motheadihlapi, ke beeditše ka go malokwa a tate wa ka, ke ya go swara hlapi, woo ke mošomo wa ka. Gomme ke nna Mofarasei, ka fao ke no e tlogela e be ka mokgwa wo, ke ya kerekeng, ke no ba gabotse bjalo ka monna yo mongwe le yo mongwe. Seo ke ka moka. Seo ke se sebotse. Ke nna wa kereke ye tate wa ka a bego a le wa yona, goba, setšo, ke tla no tšwelapele le seo.”

⁶⁹ Eupša letšatši le lengwe o sepetše ka Bogoneng bja Yena yo, gomme ka pela ge a etla ka Bogoneng bja Gagwe, O rile, “Leina la gago o Simone, gomme o morwa wa Jona.” Ga se A mo tseba feela, le yo a bego a le, eupša O tsebile tate wa gagwe wa go tšofala wa bomodimo, yo a mo rutilego, gomme e be e le go ya ka Lentšu, Moprofeta. Petro o dirile peeletšo, o lahlile malokwa a gagwe. O rile, “Etle o Ntatele, Ke tla go dira barei ba batho.” Go fapana bjang le mmušu yo moswa wa mohumi yo a bego a nyaka go boloka lehumo la gagwe! Eupša o lahlile se sengwe le se sengwe o ile a swanela go latela Jesu.

⁷⁰ E be e le Nathaniele, goba, Filipi yo a ilego gomme a botša Nathaniele, mohlomongwe o bile le serapa sa mohlware se segolo, o be a le ntle a se nyakišiša. Gomme ge Filipi a mmoditše ka ga se a se hweditšego, o be a swaswalatša gannyane pele, eupša o nno tla go rothela ka gare go ye nngwe ya dikopano. Gomme ka pela ge a Mmone. . .

⁷¹ Ka go ba se—se serutegi sa Lengwalo, o tsebile gore se Mesia a bego a swanetše go ba sona, gomme ge eba go be go lokile go tlogela kereke ya gagwe ye a bego a le go yona, batho ba ba orthodox ba ba bego ba lahlela Jesu fase, go lahlela pholisi fase, le go re, “E be e se na mohola; e be e ka se kgone go tshepša; o be a le monna a itira Modimo ka boyena; o be a le Beletsebubu; o be a le monna wa lebelele; o be a se na le mabokamorago; o be a tswetšwe ka ntle ga molao; ga se a ye dikolong tša bona; o be a se a rutwa ka diseminarang tša bona; o be a le kgahlanong le thuto ya bona; o be a kgeila dikereke tša bona; gomme thuto ya gagwe e be e šitiša batho.” Seo ke se A tleimilwego go se dira, ba Mmiditša, “Beletsebubu,” le go re, “O forile batho ka thuto ya gagwe.” Bjale, seo ke se se hlabetšwego ka go yena.

⁷² Eupša monna yo wa bomodimo, Nathaniele, ka pela ge a sepeletše ka Bogoneng bja Jesu, O rile, “Bonang Moisraele, yo ka go yena go sego bomenetša!”

O rile, “Rabi, O ntsebile neng?”

O rile, “Pele Filipi a go bitša, Ke go bone.”

⁷³ O dirile peeletšo. Fale go be go eme moprista wa gagwe le bohle, o be a sa lewe ke dihlong, o be a hweditše se sengwe sa

kgontho, o be a hweditše Modimo mo tirong. O dirile eng? O rile. . . A kitima gomme a wela fase maotong a Gagwe, gomme o rile, “Rabi, Wena o Morwa wa Modimo; Wena o Kgoši ya Israele.” O dirile peeletšo, leina la gagwe ga le hwe; go bile bao kua ba e segilego, ga ke tsebe mo ba lego lehono, go tšwa go Modimo.

⁷⁴ A re boneng ka mosadi. Go bile le mosadi, go molaleng leloko la kereke felotsoko, gomme o be a leseleditswe, a ka no ba a bile le moriri wa go kotwa le go ya pele gape, go molaleng o be a le mosepelo wa letšatši, eupša letšatši le lengwe o tlile godimo sedibeng moo go bego go le Monna wa go tlabo a dutše, Mojuda, godimo kgahlanong le ponagalo ye nnyane le digareteke ka morago ga yona. Gomme ge a etla godimo kua gomme. . . O be a na le tsela ya gagwe ya go dira bophelo, gomme go molaleng o be a na le. . . diripana tše mmalwa tša denari ya Roma ka potleng ya gagwe nako yeo, lesokisi la gagwe le lennyane le a bego a e rwala ka go lona. Gomme o sepeletše godimo kua go ga meetse. O be a bile ntle bošego bjohle, mohlomongwe e ka ba ka iri ya lesometee o fihlile godimo kua, ga ke tsebe, eupša a re nong go re go be go le ka tsela yeo.

⁷⁵ Gomme ge a fihla godimo kua, o bone Monna, Monna wa mehleng, e sego moprista, go se leswao le le itšego la kerekeleina godimo ga Gagwe, eupša feela Monna wa mehleng, gomme o Mo lebeletše, gomme O rile, “Ntlišetše seno.”

O rile, “Bjale, Wena go beng Mojuda, O a tseba seo ga sa loka, ke nna Mosamaria.

⁷⁶ O rile, “Eupša ge nkabe o tsebile Yo o bego o bolela le yena, o be o tla kgopela. . .” Le a bona, o be a sa tsebe ka ponagalo ya ka ntle, O be a no ba Motho, eupša O bonagetše a tiile kudu ka go se A se boletšego, “Ge nkabe o tsebile Yo o bego o bolela le yena. . .” Ke rata seo. Boka mosadi yo monnyane ka go phegelelo ya gagwe, mosadi yo monnyane wa Mogerika yo a tlilego go Jesu. . . [Ga go selo go theipi—Mor.]

O rile, O rile, “Sepela, hwetša monnamogatša wa gago gomme le tle mo.”

⁷⁷ Go mo makaditše. O rile, “Gabotse, ga ke ne monnamogatša yo itšego.” Le a bona, o be a phela ka kerekengleina, a nke ba nyale le se sengwe le se sengwe gape, le go nyalagape, le. . . Le a bona? O rile, “Ga ke na monnamogatša.”

⁷⁸ O rile, “O—o boletše therešo. O bile le ba bahlano, gomme o phela le yo motee bjale, kafao ga se wa gago; wa gago wa pele o be a le monnamogatša wa gago gabotse.” Le a bona? “O—o—o—o phela ka mokgwa woo.”

⁷⁹ O rile, “Mohlomphegi, ke a bona gore O moprofeta.” A phapano go tšwa go moprista wa serutegi yo a rilego O be a le Beletsebubu, mmolelelamahlatse, goba diabololo! O rile, “Ke a bona gore O moprofeta. Bjale, re a tseba. . . Ke rutilwe, ke nna

Mogerike, goba, Mosamaria, a ke re, ke rutilwe gore ge Mesia a etla O tla dira dilo tše, le e tla ba leswao la Gagwe.”

O rile, “Ke nna Yo a boelago le wena.”

⁸⁰ Thwi ka pela o dirile peeletšo. O beeditše, gomme a kitimela ka toropongkolo, gomme o be a sa kgone go e swara go le bjalo, o be a hweditše pheta ya theko ye kgolo, o be a rekišitše se sengwe le se sengwe gape.

⁸¹ Le tseba motlwae ka go wona matsatši, go be go se maleba go mosadi go ya ka mokgotheng, mosadi wa mohuta woo le go bolela le banna. Eupša mo emiše! Leka go mo emiša! O be a hweditše se sengwe, e be e le sa kgonthe.

⁸² Boka Nathaniele, go be go se maitshwaro a kereke ya gagwe go yena go latela Mogalelia yola, *yo a bitšwago* moprofeta, yoo ba mmoletšego go ba Beletsebubu. Go be go se maleba go yena go dira, go be go se bokereke, go be go se maitshwaro, o be a tla *kerekišwa* go yona. Eupša mo emiše! O hweditše se sengwe sa kgonthe.

⁸³ Mosadi yo o hweditše se sengwe sa kgonthe. Go be go se maleba go yena go goelela se mo mokgotheng, o be a le mosadi wa tumo ye mpe, o be a swailwe, eupša o be a lebaletšwe. O hweditše se sengwe sa kgonthe, gomme o be o ka se kgone go mo emiša, boka go bea mollo ntle ka letšatši la phefo, o be a tuka, thabo le khutšo ya tebalelo ya dibe. O be a se sa nyake sediba sa Jakobo, o be a hweditše Mothopo o phophomela godimo ka Bophelo bjo Bosafelego ka go Wona. O tlogetše pakete ya gagwe fale, gomme o rile, “Ke feditše ka selo se, ke nyaka peeletšo ka go seo.” A mosadi wa setswerere a bilego, kgonthe, o hweditše se sengwe go dira peeletšo ka go sona.

⁸⁴ A re tšeeng moanegwa yo mongwe. Ke be ke eya go bolela ka mosadi yo monnyane wa Mogerika nakwana. Le a bona, o bile le bontši bja kganetšo, le a bona, selo sa pele, se ka no ba se bile, o be a le Mogerika, o be a se Mojuda, ntle le pelaelo batho ba mmoditše, ba rile, “Bjale, ema motsotso, elelwa, kerekeleina ya gago ga e thekge seo ka tšelete.” Ga se go dire phapano ye e itšego go yena, o be a kwele, o be a ne tlhoko, gomme ge o ne tlhoko, gomme o kwa gore go ne se sengwe go go thuša, ga se gona se yago go go thibela. Ge Modimo a bitša pelong ya gago, o ka se kgone go e emiša, ga go yo a ka kgonago. Aowa, mohlomphegi, o ya go le bjalo.

⁸⁵ Ke kgona go eleletša bokgaetšedi bohle ba kereke ba rile, “Gabotse, o tla ba kgobogo magareng ga batho.” Seo ga se sa ke sa mo emiša, o ile pele. Sehlopha se sengwe se kopane le yena, se rile, “Monnamogatša wa gago ke rakgwebo, o tla go tlogela ge o eya tlase go sehlopha sela sa bapshikologibakgethwa.” Seo ga se sa ke sa mo emiša, o ile pele go le bjalo; o be a phegelela.

⁸⁶ Go a lefa go phegelela ge o tseba se. . . Mang kapa mang yo a ka kgonago go fihlelela eng kapa eng o tla phegelela. Banna go

kgabola mabaka ka moka ba be ba phegelela, ge ba ka tsoge ba ba e ka ba eng. Washington, tate, yo a bitšwago, wa setšhaba sa rena, ka Valley Forge o be a phegelela, go sa kgathale ke bontši gakaakang Delaware e bego e gatsela, o rapetše bošego bjohle, o tsebile o be a swanetše go tshela noka yela, gomme o e tshetše, go sa kgathale se se diregilego, o e tshetše go le bjalo; o be a phegelela.

⁸⁷ Gomme morago ga ge mosadi yo a fihlile go Jesu, lebelelang fale! Sese se tumelo ya kgonthe e se dirago: Ge o hwetša lebjebhlokwa, ge o hwetša pholisi ye, ga ke kgathale ke batho ba bakae ba lekago go nyamiša, ge eba ge ba go beile ka ntle ga kereke ya gago, ge eba ba dira e ka ba eng ba nyakago, o sa phegelela, o nyaka pholisi.

⁸⁸ Yeo ke tsela ye Jakobo a bego a le, ga se e dire phapano ye e itšego se a bego a swanetše go se dira go hwetša tokelo yela ya tswalo, o be a e nyaka. Gomme re tsena ka leemong leo, re ba tlalelong, gona re a phegelela. “Gabotse, ke a go botša, nna, uh, Mama o be a le Mopentecostal, ke tla rapela go kgabola bošegong bjo, eupša ke, le a bona, ke oo, ke lapile kudu.” Mmmfa! O hloka ye nngwe ya Pheko, ye o e hlokago, se sengwe go go dira o phegelele.

O kitimetše ka gare, a wela fase pele ga Jesu, gomme a re, “Wena Morwa wa Dafida . . .” O be a se Morwa wa Dafida go yena, o be a le Mogerika, Montle.

⁸⁹ Ga se A ke a mo fa šedi ye e itšego, gomme ka gona mafelelong A retologela go yena, gomme O rile, “Nna ga se ka romelwa go kerekeleina ya gago, Nna ke rometšwe feela go dinku tše di lahlelegilego tša Israele, seo ke sohle Ke rometšwego go sona.”

O rile, “Eupša Morena . . .” Gore—gore o bile gabotse, e sego *Morwa wa Dafida*, eupša *Morena* go yena, “Morena . . .”

O rile, “Gomme selo se sengwe, ga o selo eupša sehlopha sa dimpša, gomme ga se gwa Ntshwanela go tšea borotho bja bana le go bo neela go dimpša.”

⁹⁰ Oo, a Pentecostal e ka se phatloge go seo! Um-hum. “Le nagana gore ke dumelela Mobaptist go mpotša seo gomme a phomelela? Aowa, mohlomphegi, huh-um, goba Mooneness, goba Motrinitarian, goba *eng?*” Aowa, mohlomphegi. O be o tla hloma nko ya gago godimo ka moyeng le go tloga. Eupša e sego yena, o ile a swanela go dira pe—pe peeletšo, o be a hloka peeletšo. Amene. Ga go kgathale, o . . .

⁹¹ Tumelo ya kgonthe ya mmapale ka mehla e tla amogela Lentšu la Modimo ke therešo, ga go kgathale maemo ke eng. O rile, “Ke therešo, Morena, O be o se wa romelwa go rena. Ke therešo, Morena, gore ga ke selo eupša mpša, eupša a nke ke Go fe lehlakore la ka la yona, ga se ka lebelela ditšhegofatšo tše ba nago natšo, ke lebeletše marathana.” Oo!

92 “Bjale, Morena, ge O ka ntumelela go pholetšha, ka ya tlase kua, gomme wa mpea letikone ka kerekeng, ge O ka ntumelela go ba mopotologi wa naga, ke tla ba mohuta wa go e ela hloko.” Wena moikaketši, ga o e hwetše. O nyaka go tlela marathana. O nyaka go tla le . . .

93 “Morena, ge O ka mpha yona ntle le go bolela ka maleme, goba ge O ka mpha yona ntle le go goelela, ge O ka mpha yona ntle le dilo tše dingwe tše, e no ntlogela ke e amogele, feela—feela gannyane go e tšhollela ka go nna, Morena, ka tsela ye botse ya bolela.” Modimo ga a e dire go ya ka tsela ya gago, O e dira go ya ka tsela ya Gagwe Mong. Le a bona?

94 Ke rera nako ye nngwe ya go feta, gomme mohumagadi o rile go nna, goba, e sego mohumagadi, e be e le mo—mo morutiši wa sekolo sa Lamorena ka go Kereke ya Pele ya Baptist, o rile, “Billy, ga se ke kgone go tsena ka kerekeng go go kwa, eupša ke be ke eme ka ntle.” O rile, “Ke be ke ipshina ka se o bego o se bolela eupša mosadi yola o phagametše godimo.” Gomme o rile, “O thomile go lla, gomme o ile tlase go kgabola mokgoba,” o rile, “lešata lela lohle le nno dira go tonya go ya godimo ga mokokotlo wa ka.”

95 Ke rile, “O a tseba ke eng? Ge o nagana leo ke lešata, o phela ka lefaseng la go homola kudukudu o kilego wa phela ka go lona. Uh-hum. O tla gatsela go iša lehung, ge o ka tsoge wa fihla Legodimong, gobane ge o eya Legodimong, go tla . . . ke go goelela le go goeletša le go tumiša Modimo mosegare le bošego, Barongwa go dikologa Terone, ba goelela, ‘Mokgethwa, mokgethwa, mokgethwa, ke Morena Modimo Ramaatlakamoka!’ Ge o le ka heleng go na le go lla le go golola le ditsikitlano tša meno. O phela ka go lefelo la setu kudu.” Ka kgonthe.

96 Bjale, eupša mosadi yo monnyane wa Mogerika o be a phegelela, o rile, “Ee, Morena, ke a amogela gore se O se bolelago ke therešo, gomme ga se ka lebelela go, mohlomongwe, go swana le ka moka ga bona, eupša ke . . .”

97 Gomme elelwang, ga se nke a ke a bona mohlolo, ga se nke a ke a bona e ka ba efe ya dilo tše, eupša go bile le tumelo ka fale yeo e dumetšego gore seo e bile selo a se hloketšego morwedi wa gagwe. Gomme ge Jesu, mohlolo wa pele o dirilwego kua, godimo ga mosadi yo wa Montle, O rile, “Tumelo ya gago ke ye kgolo.” Le a bona, seo se Mo kgwathile go bona gore o be a hlomogile ka nnete.

98 Bothata ka rena batho lehono, ga ra hlomoga ka nnete ka dilo tše, re *kgonana* mantšu a rena, re boifa go bolela se sengwe seo se sa swanego. Modimo o tshepišitše go tlatša molomo wa gago, go itokolla wenamong go Yena, “O se ke wa nagana se o yago go se bolela.” Eupša re ba go itlhaola bjalo ka yona, “Ge nka bolela se sengwe go ya ka, kerekeleina ya ka e ka se se dumele,” ba tla

ragelwa ka ntle, ba naganiša pele, ee, go na le kotlo go seo, le a tseba. Um-hum.

⁹⁹ Go be go le monna yo a bitšwago Nikodemo, o bone *Selo se sengwe* ka go Jesu se se bego se lokile. O be a le mokgalabje, monna yo mogolo ka mokgatlong wa gagwe, gomme le a tseba, o be a nyaka go dira peeletšo gobane o be a nyaka Bophelo bjo Bosafelego. Gomme o tlile go Jesu bošego, go bonagala dipanka di be di tswaletšwe, eupša pankya ya Gagwe ka mehla e butšwe, mosegare goba bošego, e butšwe gonabjale. O hweditše pankya e butšwe, gomme Jesu o mo file taelotšhomišo. O be a nyaka Bophelo bjo Bosafelego, gomme fao o dirile peeletšo ya gagwe ka go Bophelo bjo Bosafelego. Re hwetša dihlopha tše tšohle, gomme go ba thari, a re di fetšeng.

¹⁰⁰ Re hwetša godimo ka go Luka 24:49, gore Jesu o rile go batho ba, ba ba dirilego sehlabelo se sengwe le se sengwe ba bilego le sona, gomme ba be ba saenela pholisi ye ya Bophelo bjo Bosafelego, Luka 24:49, O ba botša gore O ya go ba fa mašokotšo go yona, O rile, “Bjale, gore le goge mašokotšo a lena, tlošang diphapano tšohle tša lena go lena, tlogelang go baka ge eba o Orthodox ya Segerika, goba ge eba o Mobaptist, Mopresbyterian,” bjalo ka ge ngwanešu a boletše mosong wo, yo moso goba yo mošweu, yo mokheri, yo motsotho, “eyang godimo kua ka toropongkgolo ya Jerusalema, gomme le lete go fihla Ke e romela.” Gomme o bile le lekgolo masomepedi godimo fale go saena. Gomme ba saenne, gomme ba ya godimo kua go goga manamane a bona godimo ga peeletšo ya bona, gomme ka pelapela go tlile modumo go tšwa Legodimong boka phefo ye maatla e tšutlago. Manamane a bona a be a lefetšwe, ka mehla e a lefa.

¹⁰¹ Letšatši la Pentecost, go be go le e ka ba disoulo tše dikete tše tharo tše di bego di nyaka go hwetša e tee ya dipholisi, gomme Petro o ba boditše ka fao e ngwadišwago, o rile, “Sokologang, yo mongwe le yo mongwe wa lena, gomme le kolobetsweng Leineng la Jesu Kriste bakeng sa go tlošwa ga dibe tša lena. Gomme ka gona Modimo o tla le fa manamane go yona thwi nako yeo, le tla hwetša lešokotšo.” Amene. A o na le kgahlego ka go pholisi? Gabotse, ke ya mang kapa mang a ratago, yeo ke nnete, mang kapa mang a ratago.

¹⁰² Moragwana gannyane, go be go le lesogana la mohumi ka leina la Paulo, gomme o be a eya go dikologa a dira mmudubudu wa batho ba, gomme o be a le tseleng ya gagwe go ya Damaseko, o tsebile gore go be go le Modimo, eupša o naganne gore e be e le sehlopha sa bapshikologibakgethwa. Gobaneng? Ga se a ke a nyakišiša baswari ba pholisi, o be a kitimetše ka gare, gomme a ba hlorišitše, a ba segišitše. Bontši bja rena re dirile selo sa go swana ge re se bone, re kitimela ka gare, le go dira metlae ka sona, le go re, “Sehlopha sa bapshikologibakgethwa.” Eupša letšatši le lengwe, tseleng ya gagwe go ya Damaseko o ile a rathelwa fase,

gomme o lebeletše godimo gomme o bone Pilara yela ya Mollo yeo e etilegopele tatagwe, Moshe, le botate ba gagwe go kgabola lešoka.

Gomme O rile, “Saulo, Saulo, o Ntlhomaretšeng?”

O rile, “Wena o Mang, Morena?”

O rile, “Ke nna Jesu.”

¹⁰³ O hweditše gomme o be a ne kgonthe gore Modimo o be a dirilwe nama le go dula magareng ga rena. O tsebile ka Beibele gobane o kwešišitše Lentšu, gore Yoo ka therešo e be e le Mesia, gomme o be a bone ponagatšo ya yona, gomme ka pela ge a bone bohlatse bja yona, o be a loketše nako yeo go kheša, gomme o be a eya go mo hweletša pholisi. O ile tlase ka Damaseko, gomme Anania o tlile, gomme a bea diatla godimo ga gagwe, le go mo kolobetša, gomme o amogetše Moya wo Mokgethwa. A selo se segolo e lego sona! Ee.

¹⁰⁴ Ge a bone Pilara yela ya Mollo, gomme a tseba gore E be e le Morena yo a dirilwego nama . . . Ba tsebile gore Yola ka therešo e be e le Mesia, gobane O rile, “Ke tšwa go Modimo, gomme ke ile go Modimo.” O tlile go tšwa go Pilara ya Mollo, O boletše ka go thuto ye, “Pele Moshe . . . pele Abraham a eba, KE NNA.” Gomme KE NNA e be e le Yena, a bego a le ka sethokgweng se se tukago, gomme mo O dirilwe nama le go dula magareng ga rena, e lego Mesia ka go nepagala, gomme kua O boile morago.

¹⁰⁵ Gomme go bile mokgwa wa go tlabo Paulo, gomme re a kwešiša gore o ile go setšhaba se sengwe le go ithuta selo go kgabola lebaka la mengwaga ye meraro pele a etla morago, gomme o bone O be a le Lentšu le dirilwe nama. Ge a dirile seo o be a loketše, oo, go beeletša bophelo bjohle bja gagwe le se sengwe le se sengwe a bego a na le sona, botsebalegi bjohle bja gagwe, thuto yohle ya gagwe, o rile, “Ke lebetše se sengwe le se sengwe nkilego ka se tseba gore ke tsebe Kriste.” O be a loketše go tlogela thuto ya gagwe ye kgolo go tšwa go Gamaliele, o be a loketše go kheša dipampiri tša gagwe tša mokgatlo, o be a loketše, ka gore ba mo ragela ka ntle go le bjalo, eupša o be a hweditše selo se sengwe. Amene.

¹⁰⁶ O hweditše feme ye e bego e botega, ka baka la gore Kriste o hwile gomme a tsoga gape, gomme šo O be a le gape ka go Pilara yela ya Mollo ya go swana. Haleluya! Le se ke la tšhoga. Seo se ra, “Tumišang Modimo wa rena!” O be a nyaka go dira peeletšo, o be a le rakgwebo yo mogolo, o be a na le sekwi se sebotse, kafa o dirile peeletšo, gomme a ba tlemo ya lerato go Kriste. Oo, a peeletšo ye a e dirilego! Seo ke se bohle re hlokago go se dira. Yeo ke nnete tlwa.

¹⁰⁷ A sephetho sa phošo, bjale go tswaleleng, bakeng sa mmušī yo moswa yola, a selo sa phošo a se dirilego, a se—se selo sa go hloka maitshwaro go rakgwebo go se dira, ge monna wa kgwebo, gomme a atlegile, gomme a filwe sebakabotse go amogela pholisi

ye e hlatsetšwego, Monna yo a mmonego ka go Yena, ka boyena, maatla a Ramaatlakamoka Modimo a šoma, le go tseba gore ga go motho a bego a ka kgona go dira dilo tšeo ntle le ge Modimo a be a na le Yena, gomme o ile a fiwa sebakabotse go Mo amogela, gomme ka go fapana, o se ganne. Bokaone a be le botsebalegi bja mahumo a lefase, bokaone a be le matsaka ao a phetšego ka go ona. A nke ke bolele se ka lerato le tlhompkhogolo: Seo ke se e lego bothata ka dikereke tša rena.

¹⁰⁸ Rabi wa Mojuda, ge John Rhyn a fodišitšwe, le kwele kanegelo ya phodišo ya gagwe, mokgopedi mo mokgotheng, gomme ke ile ka tšeelwa godimo go sinagoge moo rabi a tlilego go bolela le nna, gomme o rile, “Mna. Branham,” John o be a na le nna, gomme o rile, “ke ka maatlataolo afe o filego monna yo pono ya gagwe?”

Ke rile, “Ga se ka tsoge ka mo fa go bona ga gagwe.”

O rile, “Gobaneng, ke mo file dineo mo mekgotheng makga a mantši.” O rile. . .

Ke rile, “O kgona go bona.”

“Ee.”

Ke rile, “Jesu Kriste, Morwa wa Modimo, o mo fa go bona ga gagwe.”

O rile, “A go be kgole le Modimo, a na le Morwa, Moya o na le Morwa.” O rile, “A go be kgole le selo boka seo.”

Ke rile, “Rabi, a go thata go wena go dumela Mangwalo?”

“Ka kgontha aowa, ke nna morutiši wa ona.”

“A o dumela baprofeta?”

O rile, “Ke a dira.”

“Ka go Jesaya 9:6, moprofeta o be a bolela ka Mang?”

O rile, “Mesia.”

Ke rile, “Mesia o tla. . . Ke tswalano efe Mesia a tla bago go Modimo?”

O rile, “Mesia o tla ba Modimo.”

Ke rile, “Bjale, o mo mothalong.”

O rile, “Lena Bantle le ka se ripaganye Modimo ka diripa tše tharo, gomme la Mo fa go rena.”

¹⁰⁹ Ke rile, “Yeo ke Katoliki, yoo ga se nna. Um-hum, um-hum. Go ne Modimo o tee ka diofising tše tharo: Botate, Bomorwa, le Moya wo Mokgethwa,” e sego Bomodimo ba bararo, seo se dira mohetene, gomme o be o ka se kgone go katela seo tlase go Mojuda, le nna.

¹¹⁰ Elelwang, ke Lentšu le le e dirago gabotse. Seo se rarolotšwe ka go Khansele ya Nicaea, ke a dumela, ba tšere lehlakore le lengwe. Baprofeta ba kgale ba ile morago mafelong a bona le

Therešo. Uh-huh. O ka se tsoge wa Le bolaya, Le ya pele. Umhum. Yeo ke nnete. Go bona banna ba ngwaya dihlogo tša bona le go makala, ba no tla go Modimo. Ge motho a hloka bohlahe, a nke a kgopele Modimo, Modimo o utolla dilo tšohle le go dira Mangwalo a lekanela mmogo. Hlokomelang.

Bjale, ge rabi yo, o rile, "A go be kgole le Modimo a na le Morwa."

Gomme ke rile, "Go lokile."

Gomme o rile, "E tla ba . . ."

Ke rile, "Mpontšhe lefelo le letee leo A paletšwego go netefatša O be a se Modimo."

O rile, "Modimo a ka se be lehodu."

Ke rile, "O—O be a se lehodu."

O rile, "O ile ka letšatši la sabatha, ka tšhemong ya lehea, gomme a fula lehea."

¹¹¹ Gomme ke rile, "Melao ya lena beng ya Balefi e le botša gore motho a ka kgona go ya go kgabola tšhemo le go ja se a se nyakago, eupša a ka se kgone go tšeela e ka ba mang ntle ka mokotla." Molao wa gagwe mong, o o tsebile, gomme o retologile le go ntebelela, gomme ke rile, "John o kgona go bona, a a ka se kgone?"

O rile, "Ee." O rile, "Mna. Branham, ke tla amogela O be a le Monna wa go loka."

Ke rile, "A o tla dira, Rabi?"

¹¹² O rile, "Ee, mohlomphegi," o rile, "go feta fao, ke tla amogela O be a le Moprofeta, gomme ge baprista ba tempele ba ka be ba Mo theeditše, re ka be re bile bokaonana lehono."

Ke rile, "Rabi, o a dumela O be a le Morwa wa Modimo."

O rile, "Aowa, aowa, aowa, aowa."

¹¹³ Ke rile, "Ema motsotso, o rile O be a le Monna wa go loka, o ka kgona go Mo tshepa, ge A le Moprofeta, A ka se aketše, gomme O rile O be a le Morwa wa Modimo. Bjale, go reng ka yona?" Ee!

O rile, "Ge ke rera yeo," re be re eme ka Benton Harbor, o rile, "o a bona tlase kua? Ke tla be ke le mokgotheng, ke kgopela borotho bja ka."

¹¹⁴ Ke rile, "Yoo ke Mojuda bakeng sa gago." Nnete? Ke rile, "Bokaone ke dule godimo ga mpa ya ka, le go nwa meetse a lekala, le go ja magogo a soda, le go rera Therešo ya Modimo, go feta go ba le leina la ka, boka la gago, go moago wo ka go mangwalo a gauta, le go ba le kgogo ya go gadikwa makga a mararo ka letšatši." Ee, mohlomphegi, therešo.

Megokgo e keketlile go theoga marama a gagwe, o rile, "Ke tla go bona moragwana."

Ke rile, “E sego . . . A re Mmone bjale. Ke nna . . .” Eupša o ile morago.

¹¹⁵ Ka gona, ge a tsene ka mojako, o retologile go dikologa, a ntebelela, o rile, “Modimo o kgona ka matlapa a go tsošetša Abraham bana.” O e dumetše. Eng? O be a boifa, go swana le mmuši yo moswa yo wa mohumi, go dira peeletšo. Um-hum. Yeo ke nnete. E sego feela borabi, eupša badiredi, maloko, ba boifa go dira peeletšo yeo.

¹¹⁶ A selo sa phošo monna yo a se dirilego, go dira sephetho boka seo. Dikereke lehono, botsebalegi bjo, o ka se kgone go dula o tsebalega le go ba le Kriste, ge o rata Modimo, o hloilwe ke lefase. Yeo ke nnete tlwa. Tša go tsebalega, ee, mohlomphegi, ditumišo tša motho go feta ditumišo tša Modimo, ba hloka Pheko ye nnyane.

¹¹⁷ Eupša monna yo moswa yo wa mohumi, bjale sese se sengwe sa lena borakgwebo, gomme ke swanetše go tswalela, hlokomelang bjale, gore le tla—le tla dumelela se go nwelela botebong ka dipelong tša lena, ka go gana Jesu, ga se gwa tsoge gwa emiša go oketša ga gagwe ga diphahlo, o tšwetšepele, a re mo lateleng lebakana tlase go kgabola Beibele, moela wa gagwe wa diphahlo o bile wo mogolwane. Gomme ka gobane kgwebo ya gago e topa gannyane nthatana, o se tsoge wa nagana seo, nako yohle, tšeo ke ditšhegofatšo tša Modimo, babe ba a atlega, le a tseba. Monna yo, o bile yo mogolwane, gomme o fihlile lefelong go fihla a be a le yo mogolo kudu go fihla matlolo ohle a gagwe a phatloga go nyakile, o ile a swanela go aga a maswa.

¹¹⁸ Bjale, o naganne o be a dirile selo sa maleba ka go gana Jesu gomme a sa dire peeletšo ka go Yena. O naganne o be a . . . o be a dirile selo sa maleba, gobane ka go leruo la lefase, ke ya go bolela se sengwe bjale, ka go leruo la lefase o naganne o be a dirile selo sa maleba gobane o be a atlegile. Gomme seo ke se dikerekemaina tša rena di se naganago, gobane ba ikaga bonabeng, gomme dihlopha tša bona di ba boradimilione le dibilione, ba ikwela gore ke bona *yona*.

¹¹⁹ A Beibele ga se ya re, “Wena o humile gomme o oketšegile ka dithoto,” go lebaka le, “eupša ga o tsebe gore o hlobotše, o a šokiša, o a diila, o madimabe, o foufetše, gomme ebile ga o e tsebe”? A seemo sa madimabe! Banna le baena, le se ke la dira peeletšo ka go se sengwe boka seo, e tlemega go senyega. Gobaneng o sa dire peeletšo ka go se sengwe seo se netefadišwego tlase go kgabola Beibele? Gomme le a tseba, ka di—di dihlogo tše ke di ngwadilego mo, re ka kgona go ba mo bošegong bjo, go le bjalo, go dihlogo tše go netefatša go kgabola Beibele bao ba dirilego yeo le bao ba e gannego.

¹²⁰ Ke le bontšha peeletšo ya kgonthe go dira: Bea bophelo bja gago, nako ya gago, tšhelete ya gago, talente ya gago, bea se sengwe le se sengwe o nago naso ka go Kriste. Modimo o re

kgonthišeditše se, ka go Mo tsošša gape, re tla tsoga ka letšatši la mafelelo, O e tshepišitše. Ke eng bontši o ka kgonago go se lebelela pele? Mpotše peeletšo e ka ba efe o ka kgonago go e dira, e tla lefago ka mokgwa woo. Mpotše se o ka kgonago go se beeletša, mosong wo, le go dira ditolara tše milione tše lesome, gomme gosasa wa ba setopo. Ke botse bofe e tla go dirago? Go hola motho ka eng ge a rua lefase ka moka gomme a loba soulo ya gagwe? Go ka reng ge o tsebalega, gomme o bitšwa *Semangmang*, le Motikone, Mopotologi, le Ngaka, Pišopo, Mogolo, Mopapa, goba e ka ba eng o ka bitšwago? Tšeo ke ditumišo tša batho.

¹²¹ Bokaone ke bitšwe mopshikologimokgethwa ke batho, gomme ke be... ke le morwa wa Modimo ka pelong ya ka, ka tswalo ye mpsha le Moya wa Kriste o dula ka go nna, gomme Yena a e netefatša ka bohlatse bja Lentšu la Gagwe le go ntira ke phele. “Bophelo bjo nkilego ka bo phela, ga ke sa bo phela gape,” Paulo o rile, efela o be a le morutiši le serutege, eupša o fetotše bophelo bja gagwe, ge a kopane le Kriste, gomme o dirile peeletšo ya gagwe ka go Kriste, o be a le monna wa go fapana go tloga nako yeo go ya pele.

¹²² Oo, a oketšega ka dithoto, ka kgonthe monna yo o dirile. Gomme le a tseba ke eng? Jesu o mmoditše, ge le ka hlokomela fa, O rile, “Sepela, rekiša se o nago le sona, gomme o se fe bahloki, gomme o tle o Ntatele, tšea sefapano sa gago gomme o Ntatele, gomme o tla ba le mahumo Legodimong.” Le a bona? A peeletšo go dira, eupša o kgethile go se e dire! Bjale, ka fao Lebaka la Kereke ya Laodikia le kgethile selo se se swanago, e sego go se dira. Gomme elelwang, ge a humile gampe kudu, bjalo ka ge kereke e dirile lehono, bahloki ba be ba robotše kgorong ya gagwe, gomme ba hweditše feela marathana ao a a swieletšwego go dimpša, Latsaro, modiidi moyeng.

¹²³ Jesu o rile ka go Mateo 5, “Ba lehlogonolo ke badiidi moyeng gobane wa bona ke Mmušo wa Legodimo.” Ga re nyake go tšea lefelo lela, lefelo lela la go kgamathela, lefelo lela la kgolekgole la go diila ka moyeng, ga re nyake leo, re nyaka yo mongwe go re tumiša, le go ba yo mongwe yo mogolo. Bjalo ka ge ngwanešu yo mongwe a boletše lebakana la go feta, nnete o e tswaletše gabotse, ge a rile, “Le ka kgona bjang go ba le tumelo, ge le na le tlhomphe yo motee go yo mongwe, goba go kganyoga di—di ditumišo yo motee go yo mongwe?” Ga go kgathale se e ka ba mang a se bolelago, o nyaka ditumišo tša Modimo, tlhomphe ya Modimo go wena, O tla no go hlomphe ge o boloka Lentšu la Gagwe. Go lokile.

¹²⁴ Bjale, gomme re hwetša monna yola wa go modiidi ka moyeng a robotše keiting ya gagwe gomme a topelela marathana. Oo, mohlomongwe, ge a be a le Salvation Army, o be a tla mo fa taeme ge a feta kgauswi, goba se sengwe, go e boloka e lebege gampe kudu, le a bona, eupša ke a eleletša o beeleditše

ka kerekeng ya gagwe mong gagolo, le mokgatlo wa gagwe wo o mmolokilego a le yo mogolo, *yo mongwe* yo mogolo.

¹²⁵ Eupša moputso mafelelong wa tla, mafelelong o fihlile kua, tirelo ye kgolo ya poloko a bilego nayo, ke a eleletša kgope ye nngwe ya kgale e tlile mmogo e apere kobo ya bophara gomme e rile, “Ngwanešu wa rena yo bohlokwa, bjale o Legodimong. Oo, o dirile *bjalo le bjalo*, ke leloko la phuthego ya rena, bjale o Legodimong. Oo, ka fao re lebogago ngwanešu wa rena yo bohlokwa.” Go be go fapana bjang go Lentšu la Modimo. Jesu o rile moputso wa gagwe, o be a le ka heleng. O dirile peeletšo ya go fosağala. Gomme ka heleng o lebeletše godimo gomme o bone modiidi ka moyeng, yo a dirilego peeletšo ya gagwe a ipshina ka yona ka difarong tša Abraham, ya, gomme morago o bile mokgopedi, a duma gore. . . O be a le modumedi yo a ipoletšego, “Tate Abraham, romela mokgopedi yola tlase fa.” E boetše morago gape, peeletšo ya gagwe e be e le ka go selo sa phošo, lefa la lefase le tumišo ya batho.

¹²⁶ Eupša mokgopedi yo o robotše fale a swerwe ke tlala, gomme o bile ka difarong tša Abraham. “Roma Latsaro, o fao, mo a ka kgonago go hwetša seno sa meetse nako efe kapa efe a nyakago, a ka kgona, fao go ipshina ka ditšhegofatšo tša Modimo. Mo romele fase ka lerothi le se kae la meetse godimo ga menwana ya gagwe, gore a ke a kgwathe dipounama tša ka tša go oma mo, gobane dikgabo tše di a ntlhoriša.” Seo ke moputso. Bakeng sa eng? Go gana go dira peeletšo ya maleba.

¹²⁷ Le se ke la e dira, banna, o se ke wa e dira, rakgwebo, ke—ke na le tshepo ye ntši ka go lena go feta yeo. Ge o le rakgwebo, rekiša pheta ye nngwe le ye nngwe o nago nayo gomme o reke ye Tee ya theko ye kgolo, dira peeletšo ya gago ka go Kriste, ka go Bophelo bja Gagwe ka go wena.

¹²⁸ Bjale, re lemoga gore se sengwe le se sengwe seo se nago mathomo se ne bofelo, gomme go ne selo se tee feela seo se sa nkago sa ba le mathomo, gomme yoo e bile Modimo. Gomme ge Beibele e bolela fao, ga ke nagane gore ke e tsopola bošaedi, pele ga serutegi sa Segerika, le monna wa Mogerika, lentšu *Zoe* le ra “Bophelo bja Modimo Mong,” gona ge re na le Bophelo bjo Bosafelego, lentšu la Segerika *Zoe* le ra gore re na le karolo ya Bophelo bja Modimo Mong, gobane re ba karolo ya Gagwe, re morwa le morwedi wa Gagwe, gona re na le Bophelo bjo Bosafelego, gomme Bjo ga bo hwe, o na le Bophelo bjo Bosafelego.

¹²⁹ Go na le sebopego se tee feela sa Bophelo bjo Bosafelego, gomme seo ke Modimo. Modimo ke wa Gosafelego, ga se nke A ke a thoma, A ka se tsoge a kgona go fela, gomme tsela e nnoši re ka bago Gosafelego le Yena ke go tla karolo ya Gagwe. Tsela e nnoši ke bilego Branham e bile ka gobane ke bile karolo ya Branham; tsela e nnoši ke bilego moloko wa batho ke go ba yo

mongwe wa bona. Gomme tsela e nnoši yeo nka kgonago go ba morwa wa Modimo ke go ba karolo ya Modimo, gona ke swanetše go tswalwa ka Moya wa Gagwe. Amene. Yeo ke yona. Rekiša dithutotumelo tšohle tša gago tša kerekeleina gomme o beeletše ka Bophelong bjo Bosafelego.

¹³⁰ Borakgwebo, bommakgwebo, le bona ka Lengwalo, ba bangwe ba bantši ba be ba kitima go kgabola monagano wa gago, bjalo ka ge le tseba ke na le tsela ya go e tseba, ya dilo tše dingwe, rekiša dithutotumelo tšohle tša gago, le dikerekemaina tšohle tša gago, gomme etla o hwetše Bophelo, o a laletšwa, mosong wo, go tla. Le se ke la retologa go tloga go swana le ka mo a dirilego, o be a le rakgwebo wa lešilo, ka fao le se ke la swana le yena; e bang bjalo ka Paulo, rekišang botsebalegi bjohle bja lena. O rila, “Ga se ka tsoge ka tla go lena ka mantšu a magolo a go kokomoga a thuto ya ka, ka gore, gobane ge ke dirile, gona le tla tshepa,” ka go bokgoni bja gagwe, ka go thuto ya gagwe, “eupša ke tla go lena ka maatla le diponagatšo tša Moya wo Mokgethwa, gore tumelo ya lena e ke e khutše ka go Kriste.”

¹³¹ A nke ke bušeletše mantšu a gagwe, goba, e sego go a bušeletša, eupša go e bolele ka tsela ye: ga se ka tla go emela mokgatlo. Ga se ka tla bjalo ka serutegi, mantšu a ka a ripagane, ba bantši ba lena batho ba go loka ba ba nago le thuto ba ka no se kwišiše, e ripagane, eupša ke tla go lena ka maatla a Moya, ka diponagatšo tša Moya wo Mokgethwa, wo Modimo a hlatselago Lentšu la Gagwe, gore tumelo ya lena e se ke ya khutša ka go se motho a se dirago, eupša se Modimo a se tshepišitšego. A re inamišeng dihlogo tša rena.

¹³² Ka tlhompho, Morena, re ema go mojako moo sephetho se swanetšego go dirwa, nako ye kgolo ye ya—ya megobo yeo re e ketekago, godimo ka Life Tabernacle, ka taletšo ya Gago, mengwaga ye masomethano ya go feta, go batho ba Gago. Gomme ka go tsenelela re e kgabotše go bokaonekaone bja ya rena . . . tsela ya ka ya—ya go e tseba, le go itshama ka Modimo, Yo a tsebago pelo ya motho, gore O tla e utolla ka tsela ya maleba yeo e rilego ka yona, gore batho ba ke ba bone go boela morago, gomme tsela e nnoši go e dira ke go tla go therešo ya Lentšu.

¹³³ Ke rapela Wena, Tate wa Magodimong, gore ga go yo motee wa rena a tla bago lešilo kudu go gana peeletšo boka yeo. A nke re beeletše nako ya rena, talente ya rena, le tšohle tše re nago natšo, go ditumišo tša Modimo, go tsebeng se, gore ga go kgathale ge . . . re ruile lefase ka moka, ra loba soulo ya rena; ke botse bofe e re dirilego? Ke botse bofe tumišo ya motho e bo dirago ge mollo wa athomo o tšhuma lefase? Ke botse bofe go tla bago lehono, mohlomongwe ge matlapa a rena a mabitla a tla phaphamatšwa godimo ka go mašabašaba tsoko, ge diphefo tša go tšutšutla . . . ge lefase le le swietšwe ka go letšatši mošola, le lahletšwe ntle ga lefelo la lona, boka le bile pele ga tshenyego ya pele ga meetsefula, le go lahlelwa, sebakeng sa go

lahlelwa go tšwa letšatšing, go lahlelwa ka letšatšing? Ga go sa na meetse, eupša mollo nako ye. Gomme mašabašaba a ngautša go kgabaganya lefase pele ga Mileniamo wo mogolo, gomme matlapa a rena a mabitla a tla godimo, “Ngk. *Semangmang*, Ngwanešu *Semangmang*, goba Pišopo *Semangmang*,” ke botse bofe bjo seo se tla re dirago ge disoulo tša rena di le mošola felotsoko ka Bokagosafelego? Gomme go swanetše go ba, ba ba phelago ba a tseba ba swanetše go hwa.

¹³⁴ Bjalo ka banna le basadi, bašemane le basetsana, mosong wo, Morena, bohle re a lemoga gore ga re—ga re fa go bonwa goba go kwewa ke banna, re fa ka ma—ma mahloko a Khalibari, re fa ka Moya wo Mokgethwa ka dipelong tša rena o lla, bjalo ka ge O dirile ka Morena wa rena godimo ga go ganwa ga Gagwe ka Jerusalema, gomme meoya ya rena mosong wo e llela lefase le le lahlegilego. Re fe bohlale go tseba mokgwa wa go ba batamela, Morena, ga re ba nyake ba lahlega, wona Moya ka gare ga rena o tla re ahlola go kganyoga go lahlega ga bona. Eupša a nke Moya wo Mokgethwa kgafetšakgafetša o goelele, o swiele, go fihla re bea pele matsapa a mangwe le a mangwe ka talente ya rena, ka nako ya rena, ka tšhelete ya rena, ka se sengwe le se sengwe re nago naso, ga go kgathale ke se sennyane bjang, re se neela go Wena. Re thuše, Morena, go tšeela Molaetša wo mogolo wo go lefase le le hwago.

¹³⁵ Ke na le bonnyane kudu, Morena, bjo nka kgonago go bo neela, ga go bokgoni, ga go bomotho, ga go selo, eupša ke no ba le soulo ya ka, Morena, segalontšu sa ka, gomme sohle ke sa Gago, gomme ke na le nnete se se bolelela batheeletši bohle ba, se šomiše, Morena. Ge nkabe ke na le tšhelete, e be e le ya Gago, nako efe ke nago le yona ke ya Gago, se sengwe le se sengwe, tša ka tšohle ka go tšohle. Nthuše, Morena, gomme re thuše bohle, re nyaka go dira peeletšo mosong wo ka Mmušong wa Modimo.

¹³⁶ Lebelela go bobodu bja rena. Re bile go šiiša bjang go hwetša lehumo le legolo le . . . Gomme ka fao Moya wo Mokgethwa ka go rena o swanetšego go ba le kgahlego ya go swana yeo O e dirilego ge O be o le ka go Kriste, ka mehla go dira thato ya Tate le taelo ya Gagwe, gomme O tla go phološa balahlegi. Re fe tlhologelo, Morena. A nke fao go se tloge, ka difarong tša rena, go swa mola, bjalo ka mohlanka wa Gago yo mogolo, John Wesley, a boletše. A nke go se tsoge gwa tloga, a nke go kokomoge gagologolo le gagologolo, go fihla go re lahlela matolong a rena go kgopela le go phegelela; a nke go re lahlele matolong a rena go ya ditselenglepho, le ditsela tša ka mathoko, le ka dikhoneng, le ka kgwebong, le mogohle, ka dikerekeng, le e ka ba kae re ka fihlago, le go tsebiša Bophelo bjo Bosafelego bjo go banna le basadi lehono, gomme ge go fedile, a nke re kgobokane ka Legaeng la Gago.

¹³⁷ Ge re dutše fa, mosong wo, re lebeletše go kgabaganya tafola ye, gomme ke bone Ngwanešu Hierholzer, mokgethwa

yola wa go tšofala wa bomodimo, go kwa ka yena a otlela godimo ga mogoma wola, gomme ka nagana ka nnamong bjalo ka mošemane yo monnyane wa go se rwale dieta, ka para ya methaladi ya ropo godimo ga magetla a ka, ka morago ga mogoma wa kgale. Mokgethwa yo mogolo yo wa Gago, go tšwa California, o be a le ka Azusa Street, go boneng banna bale le magetla a bona a kobegile go tšwa go mošomo wo mothata ka tšhemong, gomme ke dutše mo difihlolong tše le bona, bokaone ke be fa go feta go ba le Mopresitente, ke dutše ka go sehlopha se sa bomodimo.

¹³⁸ Mahlo a rena, ge rena batho ba baswa re lebelela ntle le go bona bopapa le bomme ba rena, ka fao ba lwelego go thopa sefoka le go sesa go kgabola mawatle a madi, re thuše, Morena, go tšea moo ba tlogelago. E fe, Morena.

¹³⁹ Gomme letšatši le lengwe ge bophelo bo fedile, gomme re dutše mohlomongwe gape mo difihlolong boka tše, eupša re tla dula mo Selalelong seo se tla dirwago lefaufaung letšatši le lengwe. Gomme ka gona Kgoši ka go letago lohle la Gagwe, a apere diaparo tša Gagwe tše kgolo o sepelela pele, gomme re obeletša go kgabaganya tafola go šišinya diatla seng sa rena, “Ke thabile kudu go go bona, Ngwanešu!” Megokgo ya lethabo e tla keketetla go theoga marama a rena, eupša Kgoši o tla re, “Ntwa e fedile, le dirile bokaonekaone bja lena.” Ka gona ka diatla tša Gagwe, O tla phumula megokgo yohle go tloga mahlong a rena, le go re, “Tsenang ka mathabong a Morena, ao a lokišeditšwego lena go tloga go theweng ga lefase,” ge maina a rena a beilwe godimo ga Puku ya Kwana ya Bophelo.

Morena, re thuše go leboga Wena. Leineng la Jesu Kriste, a nke re Go direle. Amene.

¹⁴⁰ Ge re sa ne dihlogo tša rena di inamišitšwe motsotso feela, ke ba bakae, mosong wo, ka Bogoneng bja Sephedi sa Gagwe sa go hlomphega, ka go nakwana ye ya go ikgetha ya tlhahlobo ya Moya wo Mokgethwa ka dipelong tša rena, ge o se wa ke wa tsoge gabjale ka kgonthe o amogetše Bophelo bjo Bosafelego, a nke Morena le nna re bone seatla sa gago se eya godimo? mola ka moka ga bona ba swara hlogo ya bona e inamišitšwe. A o ka e dira? Phagamišetša seatla sa gago godimo, e re. . . Modimo a go šegofatše. Modimo a go šegofatše, wena, go dikologa godimo ga moago. Phagamiša seatla sa gago, e re. . . Modimo a go šegofatše. Modimo a go šegofatše. “Ke nyaka Bophelo bjo Bosafelego.” Modimo a go šegofatše, yo moswa le motšofe. Yeo ke nnete. “Ke nyaka go beeletša tšohle tše ke nago natšo, ke nyaka go beeletša soulo ya ka, ke nyaka go beeletša nako ya ka, ke nyaka go beeletša se sengwe le se sengwe ke swanetšego go ba mojabohwa wa Bophelo bjo Bosafelego. Ke ikwela gore Kriste o mpitša go dira seo, gomme ke ya go se dira lehono.” Modimo a go šegofatše. Gomme Modimo a go šegofatše. Modimo a go šegofatše, ee. Ka setu. Modimo a go šegofatše, ngwanešu wa ka. Šegofala,

kgaetšedi wa ka. Yeo ke nnete. “Ke nyaka go dira peeletšo mosong wo, Modimo. Ga se ke swere seatla sa ka gore modiredi a kgone go mpona, ke swere seatla sa ka gore O kgone go mpona, O tseba pelo ya ka. Ke nyaka go e dira, ke nyaka go rekiša se sengwe le se sengwe ke nago naso, ke nyaka go rekiša go botsebalegi bjohle bja ka, go leruo lohle la ka la lefase la dilo.”

141 Bjale, ga ke re go fana ka phahlo ya gago, ga ke re seo. Ke ra, dilo tše o di swerego go tšeo di go thibelago go peeletšo ye. Borakgwebo, ga ke re go tlogela kgwebo ya lena, Modimo o le beile ka go yeo, dulang le yona, eupša beang megolo ya lena go mošomo wa Gagwe ka tsela ye nngwe. “Ke tla dira peeletšo ya ka, Ngwanešu Branham.”


142 A go ka ba yo mongwe? Go bile tasene goba bontši. A go ka ba yo mongwe? Modimo a go šegofatše, mohlomphegi. Yo mongwe pele re rapela? Modimo a go šegofatše, mohumagadi yo moswa, seo ke sephetho se segolo. Modimo a go šegofatše. Modimo a go šegofatše. Modimo a go šegofatše, ngwanešu wa ka, godimo fale.

143 A go ka ba badiredi mo? Modimo a le šegofatše. Modimo a le šegofatše. Seo se lokile. “Ke komana, Ngwanešu Branham, ga ke kgathale, ke ya go dula le Lentšu la Modimo, go sa kgathale. Nka se ke . . . Ke a tseba ga se go tuma, eupša ke tla dula le yona, kafao nthuše Modimo, ke tla dira peeletšo ya ka mosong wo. Ke tla ba rakgwebo wa Modimo, ke tla bea talente ye ke nago nayo go letago la Gagwe, le go Mmušo wa Gagwe, le go tlogela go e rekiša go mahumo a lefase.” Modimo a go šegofatše, ngwanešu wa ka wa Mokriste. Modimo a go šegofatše, ngwanešu wa ka wa modiredi. Modimo a go šegofatše, ngwanešu modiredi wa ka. Seo se lokile. “Ke tla e dira.” Modimo a go šegofatše, ngwanešu modiredi wa ka. “Ke tla e dira.”

144 Modimo a go šegofatše, kgaetšedi wa ka. Modimo a go šegofatše, kgaetšedi wa ka. “Ke tla rekiša se sengwe le se sengwe, ke tla dula le Lentšu.” Modimo a go šegofatše. Modimo a go šegofatše, kgaetšedi wa ka morago fale. Modimo a go šegofatše, ngwanešu wa ka. Modimo a go šegofatše, kgaetšedi wa ka, yeo ke tsela, O a e bona. Modimo a le šegofatše, banešu ba ka, bobedi bja lena fao mmogo. Modimo a go šegofatše godimo fa, wena ntle fale. Modimo a go šegofatše, ngwanešu wa ka, wena, Kgaetšedi. Yeo ke nnete. Wena, ngwanešu wa ka.

145 Elelwang, ge le sa le ka thapelong, le nyatša molao wo mongwe le wo mongwe wa saense ge le phagamiša diatla tša lena. O re, “Ngwanešu Branham, seo ga se dire botse bjo bo itšego,” se a dira, ge o e ra, go ya le gore o ra eng. Jesu o rile, “Yo a kwago Mantšu a Ka, gomme a dumela go Yena yoo a Nthomilego, o ne Bophelo bjo Bosafelego,” e sego go dira go dumela, eupša go e dumela ka kgonthe, le go e ra. Saense e re, go ya ka saense, kgogedi ya lefase e swere diatla tša gago fase, eupša o na le moya ka go wena wo o dirilego sephetho, gobane go be go le Moya wo

mongwe hleng le wena, Moya wa Modimo, o rile, “Phagamišetša diatla tša gago godimo,” gomme o ganeditše molao wa saense, gomme diatla tša gago di ile godimo go Modiri wa gago. Ge o be o e era, O beile leina la gago godimo ga peeletšo yeo mosong wo.

¹⁴⁶ Bjale, Tate wa Legodimong, ke ba Gago, ke bona diala tša Molaetša, diala tša Lentšu, diala tša Jesu Krite, O rile, “Ga go motho a ka go ba utla go tšwa seatleng sa Tate wa Ka. O Mphile bona.” Ga go motho yo mogolo go lekanela go dira seo. Ba boloke, Tate, ba romele pele bjalo ka dikgabo di ubulwa go tšwa mollong, ba dire dietša tše di tukago bakeng sa Mmušo wa Gago. Ke ba neela go Wena Leineng la Jesu Krite. Amene. 

62-1124B Dipeeletšo
Washington Youree Hotel
Shreveport, Louisiana U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org